



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divus Sebastianus Eberspergæ Boiorum Propitius, Seu
Cultus Eiusdem Gloriosi Martyris à Prima Loci Fundatione
Ad Nostra Usque Tempora Propagatus, Et Nunc Publicæ
Luci Datus**

Widl, Adam

Monachij

Caput X. Beneficia cælestia, seu miracula, Sanitatis maximè per
intercessionem S. Sebastiani Mart. Eberspergæ mortalibus ægris collata.

urn:nbn:de:hbz:466:1-37233

CAPUT X.

BENEFICIA COELE- STIA, SEU MIRACULA, SA- NITATIS MAXIME, PER INTER- CESSIONEM S. SEBASTIANI MAR- TYRIS EBERSPERGENSIS MOR- TALIBUS ÆGRIS COL- LATA.

Non ibo in totam retrò An-
tiquitatem temporum,
beneficia S. Sebastiani ex
seculis in lucem protracturus; nam
ea antiqua documenta partim tem-
porum injuria, & loci repetita in-
cendia, partim fugientium litera-
rum jam non legibilium situs, &
caries nobis negârunt. Accessit
ipforum clientum, qui ejusmodi
gratias & beneficia à S. Sebastiano
acceperant, quædam, ut ita dicam,
infidelitas, aut verecundia in no-
mine suo indicando, aut in tabu-
las referendo accepto beneficio.
quæ

quà de causa sæpe fit , ut maximi
 è Cælo impetrati favores excidant,
 nullisq; consignata scriptis æterno
 silentio aboleantur. Hæc cum no-
 stris quoque Annalibus communia
 sint, contentus propterea ero, ea
 duntaxat miracula, aut miraculis
 verisimilia producere in publicum,
 quæ D. Sebastianus fidelis contra-
 gionis Medicus in hoc gratiarum
 loco perpetravit ab eo tempore,
 quo JESU Societas jussu majorum
 isthïc Domicilium fixit, uno alte-
 rôque tantum excepto, cujus scri-
 ptum testimonium à prioribus illis
 annis claro etiamnum caractere
 inter Ephemeridies inventum est.
 Ordo autem, quemadmodum in
 prioribus, non erit alius, nisi tem-
 poris, juxta annorum seriem, sty-
 lus verò succinctus & clarus, mi-
 raculorum delectus cum ratione
 initus, ita, ut non omnia ejusdem
 crambis recenseantur amore com-
 pendij, nec etiam notabilia eorum
 omit-

omittantur. Porro cum nomen miraculi audis, vox te non terreat. Ne crede, mercem nostram continuo pro authentica, & quæ sit indubitæ fidei, à nobis vendi. Tanti nemo emerit ista miracula fide duntaxat historicâ & humanâ nixa, quæ uti in aliis, ita in hac quoque materia stabiliendo humano commercio sufficere debet.

§. I.

MIRACULA QUÆDAM
PRIORIS SECVLI DECIMI
QUINTI.

IBat Añus à Christo nato M. D. XX contagiosâ lue hinc inde gliscente Germaniæ satis funestus. Pervadebat malum etiam Bavariam, ipsamque Metropolin Monachium intraverat: quid enim pesti invium est, aut satis clausum? strages erat non modica, inprimis vero in Angerano D. Claræ Monasterio

Pestis depulsa.

sterio ad S. Jacobum , ubi brevi tempore ipsa Antistes loci Catharina Adelmanna , Priorissa Agnes Herdegina , & Felicitas Gralatina , nobiliora cœnobij membra ex pestilentia decesserunt , non minore ceterarum sororum periculo , quam metu , ne & ipsæ raperentur. Comuni ergo consensu se D. Sebastiano hîc loci propitio commendârunt omnes , edito voto , quod annis singulis curare vellent , ut Eberspergæ in Ara summa , quæ D. Sebastiani est , pro incolumitate Asceterii sui officium decantaretur. Et ecce ! falx mortis sævientis mota stetit , suis illis victimis contenta , nullâ præterea sorore desideratâ. Quod insigne beneficium scripto originali , ut vocant , nomine Conventûs sui confirmavit Maria Eleonora tum temporis Antistita IV. Maij Anno M. D. LXXX. Et etiamnum singulis annis à piis & Religiosis illis Virginibus mittitur vit

quidam Eberspergam, qui curet officium per musicos decantari. Id ipsum ferè, sed ex longinquo & in distans facit Monasterium Græciense in Styria Clariffarum, ut vocant, quod ob eandem causam quotannis fieri curat Sacrum perpetuum Eberspergæ ad D. Sebastianum, propitium Asceterij sui Patronum & Archiatrum.

Recito simile scriptum alterius sacri Parthenonis Monacensis, quæ Büttrichianum vocant, in eadem materia, ab Anno M. D. XLVIII. sic habet: Posteaquam Annus hic millesimus quingentesimus quadragesimus octavus, uti Monasterij nostri scriptis consignatum reperimus, cœpit Urbi Monacensi, & maximè Cœnobio nostro esse infestus, ita, ut intra paucas hebdomadas quinque de gremio nostro dilectissimas sorores, & quatuor insuper familiares domesticas pestiferâ lue extulerimus, aliæque

X præ-

Pestis

320 *Miracula, quaedam priori Seculo, &c.*
præterea tres sorores eodem malo
ictæ mortem in horas expectarent:
Idcirco communi & unanimi vo-
luntate ad D. Sebastianum Eber-
spergæ propitium, tanquam Medi-
cum nostrum, conversæ sanximus,
annis singulis certam personam eo
ablegare cum binis ceræ libris &
certa pecunia Sacerdoti pro faci-
endo Sacro pendenda. Quo edito
voto, vis maligni morbi statim re-
misit, nec ulla porrò de sororibus,
aut domesticis exinde obiit. In
quorum fidem & D. Sebastiani ho-
norem hoc scriptum testimonium
ego infra scripta pro tempore hu-
jus Parthenonis ad S. Christ pho-
rum Antistita chirographo meo &
Monasterij Sigillo munitum dedi
Monachij 22. Maij Anno Christi
M. DC. LXXX.

*Soror Maria Cacilia Reuschlin
loci Antistita.*

Anno

Anno Christi M. D. XCIX. certus quidam Bavarix pagus (nomen expressum non extat) pestilenti lue correptus fuerat, ex quo, quotquot Religionis causâ Eberspergam concessere, SS. Eucharistiam ibidem percepturi & ex Divi Cranio haustum sanitatis facturi, deinceps intacti, immunisque à lue perstiterunt, tribus familiis, quæ venire neglexerant, luctuoso morbo infectis.

Pestis.

§. II.

BENEFICIA, SEU MIRACULA CURRENTIS SE-
CULI DECIMI SEXTI.

Anno hujus Seculi currentis secundo insigne Beneficium retulit à D. Sebastiano Princeps alterius Religionis, cujus scriptum testimonium ex literis R. P. Georgij Spaiseri, olim Collegij Monacensis Rectoris, postmodum totius

Pestis.

X 2 Pro-

Provinciæ Præpositi Provincialis
 huc transmissum, excerptumque
 hîc allégo. Tenor est iste: Quo
 tempore Cæsar Rudolphus II. cum
 Turcis bellum gerebat in Hunga-
 ria circa Annum, uti arbitror, mil-
 lesimum sexcentimum secun-
 dum, in Exercitu Cæsareo erat Dux
 Teschinensis & majoris Gloggoviz
 mille equitum Cataphractorum
 ductor, tum adhuc Lutheranus,
 erantque ipsi equites majorem
 partem Lutherani, plerique Silesi-
 tum temporis nigri equites appel-
 lati. Hanc Legionem cum gravis
 lues corripuisset, multosque mili-
 tum, ut fit, sustulisset, Sacerdos
 quidam Catholicus, alterius Le-
 gionis Sacellanus Castrensis multos
 de suis eadem lue infectos servavit
 beneficio unius sagittæ, quam Eber-
 spergâ ritu consueto benedictam,
 & attractu sacri Crani, consecratam
 antehâc acceperat. Ea fama cum
 totis castris percrebuisse, multi sa-
 nè

R II
 J^a

nè ex Legione Teschinensi, quæ
omnium maximè laborabat, sagittâ
illâ potui injectâ non sine specie
miraculi sanitatem periculosè affli-
ctam recuperârunt. Subinde Du-
cem ipsum vis mali invasit nullo
personæ discrimine, & vix non ad
extrema deduxit. Nullum erat in
remediis præsidium; seu mali vis
tanta erat, seu potius benigna mi-
serentis Numinis dispositio, quæ
homines mirabiliter quandóque,
&, ut ita dicam, etiam magneticè
ad se trahit, animasque per corpo-
ra lucratur. Vocatus ad Princi-
pem in hoc articulo est Sacerdos
ille Catholicus, necessitate magis,
quàm affectu, aut amicitia. Ro-
gatus, ut suum quoque Duci phar-
macum adeò potens communica-
ret, haud equidem renuit, modò
Princeps ingentem fiduciam erga
S. Sebastianum Martyrem conci-
peret, & Medicum illum invoca-
ret. Annuit Dux morbo dictatore,

X 3 addi-

additque, se, Luthero abjecto, certò futurum Catholicum, si beneficio S. Sebastiani convalesceret. Dictum factum. Statim edito rite voto secuta est sanitas. Nec dato verbo defuit Princeps: ab orthodoxo quippe Sacerdote in fide instructus ritu Catholico confessus, & ab hæresi absolutus est. Hucusque testimonium de sanato Principe & S. Sebastiano in multos benefico. Cui etiam illud addere operæ pretium visum est, quod idem Princeps moriens filium reliquerit Fridericum Guilielmum summæ spei & indolis adolescentem, & duas filias, quam suam sobolem optimus Dux & Princeps optabat quàm maximè ritu Catholico educari. Verùm quod optaverat, sperare tam facilè non poterat ob conjugem Ducis Curlandiæ filiam perditè Lutheranam. Subinde Cæsar Mathias, qui Rudolpho successerat, eundem Fridericum Guilielmum

*Conversio ad
fidem Catho-
licam.*

R II

J^u

num Maximiliano Bavariæ Duci
commendatum Monachium sub-
misit, ubi ab Anno M. DC. XIII.
usque ad vigesimum tanquam flos
Gymnasij & Princeps Juventutis
studuit; quo tempore inter alios
Scholarum Magistros dictum quo-
que R. P. Georgium Spaiserum
Præceptorem habuit.

Anno M. DC. IV. Princeps Ca-
rolus Comes Arenbergicus Lon-
dini in Anglia ubi tunc gravis lues
invaluerat, mirâ DEI Providentiâ
per intercessionem S. Sebastiani
cum tota aula sua à vulgari morbo
servatus est; id, quod proprio chi-
rographo, missaque Eberspergam
argenteâ Statuâ ipsemet testatum
voluit, de quo præcedenti capite
inter Benefactores ex instituto me-
minimus.

Eodem Anno Melchior Maire-
rus Adlzhufianus haud procul Au-
gustâ per intercessionem S. Seba-
stiani à pertinaci multorum anno-
rum

Pestis.

Phrenesis

Paralysis

*morbus co-
mittalis.*

rum phrenesi, quædam verò Gertrudis Sigerstorffensis à morbo comitiali & vaga paralyfi, ambo se liberatos professi sunt.

Varij morbi.

Sub idem tempus ex gravi pedum & brachiorum stupore sibi restituta ope D. Sebastiani est Præfecti nemorarij hîc loci Uxor, geminæque ejus filix ex ignea & maligna feбри. Eidem Sancto valitudinem suam acceptam refert Casparus Hörman haud procul Hagâ Bojorum ab omnibus jam conclamatus licet, ac depositus. Nimirum ubi humana ars desinit, cælestis incipit. Pari modo Wolfgangus Lux ex Toparchia Trostburgensi oblatione aliquot gallinarum, faustis avibus, ut ajunt, familiæ suæ immunitatem à peste, quæ pagum ipsius corripuerat, impetrâsse piè credidit eodem anno.

Lapsus in puteum.

Anno M. DC. V. Meminêre Tabulæ nostræ insignis miraculi. Inciderat quædam mulier in puteum
cen-

centum quadraginta pedes altum. Sub ipsum lapsum miseræ venit in mentem, peregrinationem in montem Andecensem & Eberspergam voveret, eâ ratione salvam fore. Vovit, evasit incolumis. Votum Eberspergæ ritè exsolvit.

Bernardus Kazelius malignâ fe-
bri ustulatus factò ad D. Sebast. vo-
to, oblatâque certâ ad aram map-
pâ sibi plenè redditus est. Pari
ratione Joannes Bechartinger Per-
tenstainensis oblato cerco corde
cordis sui dolores absterfit.

Anno M. DC. VI. Votum exfol-
vère plures ob impetrata à Divo
non vulgaria beneficia: Ursula
quædam Obingensis ob immuni-
tatem à peste, quæ pagum, quem
incolerat, populabatur: Barbara
Naderin Babenhaimensis ob ve-
renatas pustulas, quibus toto cor-
pore ardebat, feliciter absterfas.
Georgius Roth Berchlenensis ob
immanem, quâ lancinabatur, pleu-

X 5 riti.

Hebyr.

Cordiana.

Pestis.

Pleuris.

ritidem ope Sancti curatam, Wolfgangus Schwaiger Parœciæ Oberhufanæ ob gravem mensis integri languorem & vires plenè pessimas datas miraculo recuperatas. Joannes Mend Parochiæ Erlbecensis ob filij dysenteriam abstersam.

*Dysenteria.**Emortuum
brachium.*

Eodem Anno Georgius Schoffer Civis Wasserburgensis D. Sebastiano in acceptis refert penitus emortuum brachium pristino succo ac vigori restitutum.

*Morbus Le-
thalis.*

Idem D. Sebastianus aliam mulierem jam morti admotam, ac vix non expirantem, cum mortualem Cereum, vitæ humanæ Hesperum, jam manu teneret, voto à propinquis edito, in vita retinuit. Beneficium tam luculentum affixa tabula fecit testatum.

*Aridum
brachium.**Pes.*

Anno M. DC. VII. Ursulæ Hindermairin Finsingensi aridum & inutile brachium, quo per semestre laborabat ope S. Sebastiani ad officium rediit. Alia Anna quædam

Dun-

Duntenhusiana ex undecim liberis binos peste infectos tenero miserationis sensu intuebatur. Veritate hereditario malo etiam ceteri corripentur, voto illos D. Sebastiano commendavit. quo facto altera quidem proles ex peste decessit, altera verò convaluit, quasi ex æquo mors & vita cum bona matre partitentur, nemine postmodum ex tota domo afflato.

Pestis.

Anna Altenburgica undecim hebdomadas ad mentis usque aberrationem & delirium lecto affixa edito voto sibi reddita est. Barbara Suterin quinque locis corporis pestiferis carbonibus ardens mortem in horas expectabat, sed D. Sebastiano Medico usa convaluit, uti & Anna Walterin ex pleuricida.

Christophoro Albrecht Mitterpergenfi filia erat adulta, quæ insanis capitis doloribus ad eam intemperiem redacta erat, ut ex rabie

Amentia.

bie propriæ parentum vitæ minaretur, & violentas manus afferret. D. Sebastiano à parentibus devota ad mentem, & pristinam tranquillitatem rediit.

Tumor.

Apolloniæ cuidam Glonensi cololum usque adeò intumuerat, ut vocis obstructum iter penitus interciperetur, nec jam ulla via, aut facultas esset loquelæ. Voto facta sanitas cum voce rediit.

Dolor pedum.

Ursula Buechmairin Emeringensis Parœciæ quindecim ipsos annos in pede sinistro crudelissimè passâ ex ignotis doloribus miserè affligebatur. Videre tandem in somnis visa sibi est Beatæ memoriæ Religiosissimam Eberspergæ Fundatricem Richardem Udalrici I. Comitum Uxorem suaviter monentem ut D. Sebastiano pedem commenderet, & Eberspergam veniret. Paruit, & molestissimâ tot annorum compede liberata est.

Curia

Curio quidam jam viginti animas de grege sibi commisso peste extinctas amiserat. Veritus, ne plures sequerentur, supplicationem Eberspergam oviculis suis indixit. Profuit consilium, nullo deinceps suorum ex pestilentia desiderato.

Pestis

Año MDC.VIII. voto se D. Sebastiano obstrinxit Barbara Conratin propter liberos turpissimâ scabie & specie quadam Elephantiasis adesos, quos tamen paulò post totos mundos, bellos ac terros ex squamis recepit.

Elephantiasis

Plures hoc anno à mala lue ope D. Sebastiani se liberatos professi sunt, de quorum numero solum Georgium Wernberger allégo, qui ex decem capitibus domi suæ peste sublatis evasit, & sotèri suo hîc Eberspergæ se gratum stitit. Similem favorem expertus est Joannes Hueberus Kalwinensis, qui adverso flumine navi cum vino ex Austria redux, & ipse perstitit à lue

Pestis

lue incolumis, quæ itineris socios
fædè prostraverat.

Surditas.

Casparus Singer in honorem S.
Sebastiani edixit, se ex gravi de-
fluxione in aures pro manante sex
integræ hebdomadis nihil prorsus
audivisse, ne quidem æs campa-
num ex vicino tinniens, ope vero
S. Sebastiani paulò post organum
recepisse.

Mania.

Magdalena quædam honesto-
rum parentum filia de statu men-
tis dejecta, & per incuriam dome-
sticorum ædibus in silvam elapsa
& amissa, ubi primùm edito voto
S. Sebastiano commendata est. re-
diit ovis perdita & inventa est, quæ
perierat.

Puerberia.

Barbara quædam infelix mater
Kirchdorffensis Parœciæ ipsos octo
dies cum partu ad mortem usque
luctata, obstetricante D. Sebastiani
ope impedimento uteri feliciter
soluta est.

Seba.

Sebastianus Zechentmair ex
Oppido Aiblingensi anno integro
utroque pede captus, voto ad Di-
vum facto exiit

Pluribus beneficiis quoniam hic
annus scavit, cetera omittenda
censui, ne eadem semper massa
redeat, quod & deinceps, quan-
tum per me stabit, observabo ac-
curatè, ut Lector non fatigetur,
quem brevitate saltem adjutum im-
pensè cupio.

Anno Christi M. DC. IX. plures
rursus personæ, quas singillatim re-
censere longum foret, à peste se
præservatas etiam inter media fu-
nera, hinc & hinc cadentia, Eber-
spergæ professæ sunt, voto pro-
pterea ritè exsoluto.

Margarita Föllbaumin Elckofen-
sis muta omnino effecta erat, ita,
ut à festo S. Michaelis usque ad Pa-
scha ne verbulum proferre potue-
rit. Divo commendata linguæ
vinculum rupit.

Wolf.

Persona
musa.

*Casus ex
alio*

Wolfgangus Holzner è Garfensi
Parœcia oriundus de procerâ ar-
bore quam conscenderat, præceps
effusus aliquantum pro mortuo ja-
cuit, atque adeò linguæ usum per-
didit. Ubi verò mater D. Seba-
stiano eum devovit, vocem & spi-
ritum resumpsit. Simile est, quod
Leonardo Länkof sub idem tem-
pus evênit. Cædendis in silva li-
gnis operam suam addixerat: cum
sui incurium cadens fortè Pinus
apprehendit & solo afflixit. Ubi
in hoc articulo D. Sebastiani opem
imploravit, sine ullo corporis, aut
conquassationis vitio surrexit in-
columis.

Utiur.

Agatha Forsterin toto anno gut-
tur & palatum fœdè exulceratum
maximo cibi traijciendi incom-
modo senserat verùm D. Sebastiani
beneficio lenimen recepit.

Ponè Ædes piæ Viduæ Mosbur-
gensis ipsis Feriis Paschalibus oc-
timum erat repentinum incendium,

&

&, ut fit, voracitate suâ longiùs
ibat & minabatur proximis. Eam
flammam ut à sua domo averteret
mulier, Divo Sebastiano supplex
facta, sensit illicò sanctum Marty-
rem ferocientis Elementi domi-
num & domitorem.

Annus Christi M. DC. X. Simi-
libus omnino beneficiis gloriatur
& testibus, in quibus referendis
breves sumus. Maria Halmairin
Wingensis in gravi infirmitate tota
muta effecta argenteâ linguâ D. Se-
bastiano oblatâ, linguam suam re-
demit, de muta, diserta Medici sui
commendatrix.

Os mutum.

Clarissimus D. Casparus Braun
Juriû Doctor & Advocatus Aiblin-
gensis phrenesi ad mortem usque
adactus & jam à Medicis depositus
ope S. Sebastiani plenè convaluit.

Phrenesis.

Sequitur Añus Christi M. DC. XI.
qui gesto feliciter Salisburgensi bel-
lo Bavarix memorabilis fuit. Ibat
Sereniss. Dux Maximilianus cum

Pestis.

Y exer-

exercitu ad vindicandas Halæ di-
vitis salinas, sed cum exercitu quo-
que procedebat comes & pedisse-
qua mala pestis, quæ licet jam mul-
tùm grassaretur, ut fit, in magno
populo alimentum nacta, ope ra-
men & lipsano S. Sebastiani, quod
Serenissimus hinc secum habebat,
ab ulteriore clade prohibita est, ni-
hílque Serenissimo ejúsque Aulae
porrò nocuit.

Mutus.

Matthæus Nidermair Griental-
lensis triennio integro mutus ne
verbulum in potestate habuit. Lo-
quelam postliminio recuperatam
D Sebastiano se debere confessus
est. In eum finem pertinacis silen-
tij sui testes duos honestos viros &
consciam prodigij uxorem Eber-
spergam adduxit, qui assertionem suam
miraculo fidem & auctoritatem
facerent.

*Morbus le-
thalis.*

Gaspar Stromair Belinensis jam
magnis itineribus ad mortem pro-
perabat, lethali morbo ad ultima
dedu-

deductus. Verùm edito ad Divum voto, attonitis omnibus, qui statum morbi antea noverant, in pedes surrexit, & Sorèri suo se gratum stitit redivivo propè, quam convalescenti similior.

Mathias Giller Beùhardingensis tredecim integris annis inutilia brachia ingenti cum dolore circumferbat annoso nervorum sopore stupida. Néque balnea quicquam leniendo malo ceteræque medicina profecerant; Cùm oblati D. Sebastiano cereis brachiis facili commutatione sua longè meliora & prorsus sana recepit. Adeò vili nostra à Divis emimus.

Anno M. DC. XII. Inclyta Civitas Müldorffensis cum Labaris & vexillis Eberspergam venit, & magni ponderis cereum obtulit, impetravitque hac suâ Religione, ut nemo porrò anni illius peste corripereetur, qui verò jam antè cor-

Y 2 repti

*Scrupidum
brachium.*

Pestis.

repti erant, ex fatali malo, patro-
cinio S. Sebastiani, resurgerent.

Tumor.

Rosina Schwaigerin Hospitis Mo-
nacensis uxor insolito tumore usq[ue]
adeò inflata est, ut caput esset in-
star maximæ cucurbitæ, & os omni-
prorsus loquelâ destitueretur. Vîsa
est bona mulier, dormiens an vi-
gilans incertum, D. Sebastianum
coràm intueri, monentem, ut vo-
tum ederet. fecit, quod iussa fue-
rat. convaluit, & miraculum Eber-
spergæ in tabulas referri iussit.

Pestis.

Cùm Anno superiore luctuosa
contagio pagum Mettenhaim infe-
staret cum strage quinquaginta ca-
pitum, tota communitas majorem
cereum & supplicationem D. Se-
bastiani vovit, nullusque ab eo
tempore néque hoc, néque præce-
rito anno ex morbo illo porro de-
cessit, id, quod uno ore totus ille
populus sanctè testatus est. Cùm
votum hîc suum exsolueret.

Bar.

Barbara Seeholzerin Gernensis
domicilio, tam acutis doloribus in
gravi infirmitate conficiebatur, ut
novaculis & cultris media sibi di-
scindi videretur sensu planè acer-
bissimo totum corpus pervadente:
durabat malum propè supra pati-
entiam ipsis septem hebdomadis.
Die quodam obversabatur ipsi S.
Sebastianus, cui se enixè commen-
davit. Quo facto in tantum mox
restituta est, ut Oeconomicis &
domesticis negotiis hætenus inter-
missis intendere posset. Sensim
etiam vis morbi omnino remisit.
Cujus miraculi testes nominavit
duos honestos Cives Monacenses.

Juvat hoc loco & Anno ex scri-
nijs nostris proferre scriptam atte-
stationem Incltyti Oppidi Crain-
burgensis ob pestem feliciter ab
agro suo propulsatam, quæ est hu-
jus tenoris: Nos Camerarii & Se-
natores Crainburgi &c. hilce no-

Y 3 tum

Divi cru-
ciatus,

Pestis!

tum, testatúmque hoc publico scri-
 pto facimus omnibus ac singulis.
 Postquam elapso Anno superiore
 M.DC.XI luctuosa pestis, iustâ Dei
 permissione Oppidum nostrum in-
 tra, & extra muros invasit, & ulte-
 rius grassari cœpit; Idcirco statui-
 mus de communi Civium nostro-
 rum voluntate magnum Cereum
 unius Centenarij ex pecunia ostia-
 tim collecta conficere, & solenni
 supplicatione eundem Ebersper-
 gam deferre D. Sebastiano Mar-
 tyri offerendum. Quo facto fune-
 sta lues de singulari favore Numi-
 nis & ope S. Sebastiani ab Oppido
 & agro nostro se avertit, ita, ut ne
 una quidem persona (exceptâ mu-
 lierculâ cælibe, quæ temerè hinc
 inde discursando, nec occasiones
 vitando, importunâ familiaritate
 suâ ultrò in periculum se induit)
 deinceps ex hoc malo decesserit.
 In quorum fidem nos supra citati
 Camerarij, Senatores Oppidi no-
 stri

R II

J 11

stri minus Sigillū appressimus. Datum XXIII. Martij An. M. DC. XIII.

Plura ejusmodi beneficia hoc Anno in tabulis nostris recensentur. Sed ne eadem semper cum fastidio commemorentur, aliqua omittenda censui, ut Lector sublevetur.

Anno M. DC. XIII. quò vaga Pestilentia etiam viciniam nostram arrodere cœperat, (& omnes, uti par erat, suæ quoque pelli, ac vitæ timerent, ob funesta luis exempla alibi edita) propitiandæ iræ Divinæ Eberspergam supplicatum venerunt spectabili sanè Religione triginta octo diversæ quæ Civitates, quæ Oppida, pagi, & parœciæ, magno suo, ut postea compertum est, bono corporum & animorum.

Serenissimus Archidux Maximilianus tunc regens in Tirolì cùm hoc Anno ex Comitibus Ratisbonensibus domum rediret, Eberspergæ

*Sereniss. Archiducis Maximilianus
testimonium
de Peste.*

Y 4 spergæ

spargæ, quâ transibat hæc verba,
 D. Sebastiano ex tali oraculo per-
 quam gloriosa, prolocut⁹ est: Quod
 in itu nostro & itinere Ratisbo-
 nam instituto ex Cranio S. Seba-
 stiani biberimus, ejusque confe-
 cratas sagittas nobiscum tulerimus,
 profuit nobis ad salutem: nemo
 quippe ex universa Aula nostra
 (quæ gratia paucis ibi degentibus
 Principibus contigit) ex contra-
 giofa lue decessit.

Cephalalgia.
 R. D. Sixtus Piscator Parochus
 Lizelburgensis haud procul Augu-
 stâ, cum ab immanem Cephalal-
 giam & insuperabiles capitis do-
 lores nihil in arte medica inexper-
 tum reliquisset, profusis magnis
 sumptibus nihilo melior factus est:
 at verò ubi D. Sebastiano, cujus
 tunc magna passim fama erat, se
 commendavit, salutem invenit.

*Lues peco-
 varia.*

Gabriel Neumair Kirchhaimen-
 sis, videns tætram luem in pecora
 sua irrepsisse, plúraque capita haud
 mo-

modico Oeconomiae damno jam strata procubuisse, stabulum suum voto facto, D. Sebastiano commendavit, sanumque recepit.

Sigismundus Widmann pistor Puerperium, hujas pro sua uxore cum partu periculosè luctata sollicitus, multis alijs nequicquam tentatis, eam D. Sebastiano devovit, simulque effecit pulchrae sobolis parentem.

Quod primo, aut secundo loco Pestis. memorari debuisset, est, quod durante Testimonium Celsissimi Principis & Episcopi Augustani. Comitiis Reverendiss. & Celsiss. Principi & Episcopo Augustano, ejusq; Aulæ evenit. Omnino adscribit D. Sebastiano optimus Princeps eam gratiam, quod nemo è suis, tametsi peste jam afflatis obièrit: item, quod multi, ex assidua cum infectis Civibus familiaritate & commercio habito malum domesticum non attraxerint. In debitam gratiarum actionem ipse Princeps Eberspergam venit, & votum suum praesens exsolvit.

Y 5

An-

*Apostema
& ulcus.*

Annus Christi M. DC. XIV. iisdem ferè miraculis fœcundus stric-
tissimè propterea enumerandus erit,
ne cibus idem semper appositus
nauseam creet.

Casparo Maier Civi Wasserbur-
genfi filiola erat annorum quatuor
Catharina appellata, corculum pa-
rentis, sed postea cordolium, cum
tribus lethalibus ulceribus & Apo-
stematis ad mortem usque urgeri
cœpit, ex quibus tamen voto edito
Patri restituta est dilecta proles.

*Verbale vul-
nus.*

Joannes Laudner Veldensis Pa-
rœciæ à nocturno quodam grassa-
tore geminis lethalibus plagis con-
fossus erat, in quibus curandis fru-
stra desudavit humana ars & indu-
stria. Implorato cœlesti Chirurgo
Sebastiano, præter spem convaluit.
Quod prodigium propriâ manu,
adductisque duobus honestis testi-
bus comprobavit.

Ejusdem Divi medicâ ope morti
quoque, quæ jam in januis erat,
præ-

prærepta est Anna Jacobe Elfeshe-
mia, uti fufius narratur in appensa
tabula ejusdem anni XIV. Augusti,
Fidem miraculi amplificat testimo-
nium Medici, ejusque chirogra-
phum.

Anno Christi M.DC.XV. D. Si-
gismundus Castner Prætor Schön-
augiensis, cùm pestis territorium
illud corripuisset, vi muneris sui
adesse debebat rebus afflictis, om-
nëmque procurationem facere,
ut in tempore malum illud sopire-
tur. Quare ipse, si ullus alius in
summo & proximo periculo versa-
batur. Quia verò suam ad D. Se-
bastianum fiduciam convertit, po-
tùmque suum injecta sancti Marty-
ris sagittâ imbuit, evasit salvus &
incolumis.

Pestis.

Uxor Joannis Speh Mailingensis
noctu per imprudentiam grandem
arenam ori se insinuantem deglu-
tiverat. Vim suam mox exeruit
venenum; quippe paulò post præ-
ter

*Aranca de-
glutita.*

ter morem intumuit femina. Cum
nulla alia medicina occurreret pe-
riculoso malo idonea, benedictâ
S. Sebastiani sagittâ potum diluit.
Bibit in honorem Sancti & simul
in sui sanitatem. Profuit haustus.
convaleuit adductis in fidem mira-
culi tribus probatis testibus.

Pleuritis.

An. M DG. XVI. & M. DC. XVII.
hæc, quæ noto, miracula tabulis
consignata invenio: Abraham
Wölckel hospes Oppidi Buechba-
censis D. Sebastiano debet filiam
suam Felicitatem sævâ pleuritide
liberatam:

Pestis.

Thomas Kolbinger Navicula-
rius feliciter declinata pestis peri-
cula in præsentissimis occasionibus
& itineribus per Austriam passim
infectam susceptis, præsertim cum
de suis remiges quosdam amisisset.

*Casus ex
Rheda peri-
culosus.*

Notabile est, quòd Generoso
D. Thimoni à Lindelò & Thalhaus-
sen Sereniss. Ducis Bavarizæ Eque-
stris

stris turmæ Magistro contigit, quod-
que ipsemet proprio chirographo
testatum fecit. Vehebatur dictus
Dominus Talhusam levi effedo, seu
rhedâ volante: cum nescio qui-
bus intemperijs turbatus equus cœ-
pit furere, calcitrare, lorâ & vin-
cula rumpere, ita, ut eâ agitatione
rhedâ in frustra iverit & multis par-
tibus confracta fuerit. Curru pro-
pterea excussus Dominus graviter
in capite lapsu illo vulneratus, de-
terius etiam resiliente ligno quo-
piam in laterè quassatus & afflictus
fuit, ut aliquot horis pro mortuo
jacuerit, & latus totum nigricante
sanguine suffusum apparuerit. Ubi
ex deliquio sibi redditus fuit, dolo-
res recruderunt multi ac sævi, qui
repetitis vicibus ipsum sensibus de-
stiterunt. Subinde æger voto edito
se D. Sebastiano commendavit, &
sanitatem multis exercitâ rece-
pit.

Insi-

Tumor Capitis.

Insigni D. Georgio Friderico Staudinger Præfecto Burckrainensi filiola erat tenera, Catharina appellata. Huic post periculosam exantlaram infirmitatem collum & fauces adeo fœdè intumuerant, ut transitus cibi omnis interceptus ne tanto quidem spatio hisceret, ut per angustum gutturis vel parùm aliquid trajeci posset. Floridam puellæ ætatem miseratus D. Sebastianus voto à parentibus invocatus eam in vita retinuit. Miraculum suomet chirurgo aasseruit Dominus parens, aliique facti hujus consilij legitimi testes.

Phrenesis.

Piè lepidum est, & ingenuant simplicitatem sapit, quod sequitur. Balthasari Schönwötter Berlacensi filius erat annorum undecim pessimè à phrenesi habitus. Decretum illi erat, peregrinationem vivere, sed optio perinde difficilis, in designando loco & sancto. Tres igitur parvulas cercas candelulas

ac.

accendit, unam in honorem D. Virginis Duntenhufianæ, alteram in S. Sebastiani Eberspergensis, tertiam in honorem S. Bennonis Monachij propitij, eâ mente, & consilio, ut, quæ ex his candelulis omnino æqualibus, & paris altitudinis omnium primò deflagraret, eò peregrinationem pro filio suo institueret. Hoc signo bonus vir divinam voluntatem metiebatur, vel interpretabatur. Sors cecidit super Sebastianum: ejus candela omnium primò fuit absoluta. Venit Eberspergam parens, & domum redux filium incolumem, neque deinceps malo illo tentatum invenit. Adeò S. Sebastianus votis piorum se ultrò offert, & ingerit.

Annus Christi M. DC. XVIII. qui insolito crinito sidere memorabilis fuit, etiam D. Sebastianum Eberspergæ Thaumaturgum habuit, uti & annus sequens, quem compendij gratiâ in unum jungimus.

Apostema.

mus. Spectatissimo Domino Jo-
 anni Hertschroi Bibliopolæ Mona-
 censi filius erat biennis. Ei post
 absterfos primos variolarum flores
 in capite Apostema coaluit, in quo
 curando omnis ars succubuit: qua-
 re mortualis Cereus multoties ipsi,
 ceu moribundo, in manus datus
 est. Mater, suafu Medici, filiolum
 D. Sebastiano devovit tanto cere-
 pondere; quantum infans libra-
 bat. & ecce! ruptum continuo
 ulcus, invento alveo ac canale, per
 dexteram auriculam erupit, ac pi-
 sionem matri incolumem restituit.
 Medicus ipse, qui erat Excell. D.
 Georgius Grembs beneficio huic
 per S. Sebastianum impetrato manu
 suâ fidem fecit.

Surditas.

Honestissimus Vir Georgius Ege-
 ther Civis Monacensis Surditate
 sanè molestâ laborabat. Medicis
 nihil proficientibus ad D. Sebastiani
 opem confugit, quam & sensit effi-
 cacem, paulò post ipsemet Eber-
 sper

Eberpergam venit, & caput humanum
ex cera formatum obtulit in eu-
charisticon.

Wolfgangus Mair Lainingenſis *Incendium.*
Toparchiæ Altenhochenaugienſis
S. Sebastiano ſervatas ab incendio
ades adſcribit. Flagrabat vicinus
ipſius: jamque igneæ ſcandulæ
flante vento per aërem volantes in
rectum propinquæ domûs, quæ
Wolfgangi erat, magno numero
deferébantur. Deſperata res vi-
debatur, & non niſi eruptura ibi
quoq; flamma expectabatur. Secûs
evenit. Stetit domus S. Sebastiano
devota inter ſtrepentes ignes il-
laſa.

Laborabat Apollonia Schmidin *Pleuritiâ.*
Entlibuechiana lethali pleuritide,
quæ ad ſanguinis uſque ejectionem
ſeva erat. Invocavit S. Sebastia-
num Eberſpergæ ægra mulier &
potui conſecratam ſagittam im-
merſit. Bibit inde non mortem,
ſed vitam. In cujus beneficij fidem
Z addu-

352 Beneficia à D. Sebast. M. collata
adduxit tres viros in testes, quibus
miseræ status satis superque cogni-
tus naturæ vires superare videba-
tur.

§. III.

BENEFICIA A D. SEBA-
STIANO COLLATA AB
ANNO M. DC. XX. USQUE AD
ANNUM CHRISTI
M. DC. XL.

*Vacca sa-
nata.*

GEorgio Pauer vacca erat, quam
rabiosus canis momorderat.
Inde morbus animali conscitus fuit,
quia verò bonus vir vitulum pro-
ximè ex ea nasciturum D. Seba-
stiano vovit, sanam recepit, & hoc
anno votum suum liberavit, Autu-
mno exeunte. Cetera annis præ-
cedentibus communia & ferè simi-
lia consultò omittimus.

Pastis.

*Testi-
monium Sea-
reniss. Ele-
goris Ma-
ximilianus.*

Anno M. DC. XXI. post domi-
tos jam Rebelles, ac receptam Pra-
gam Sereniss. Dux Maximilianus

ex acie cum trophæis in Patriam nuper redux etiam Eberspergam venit, & Sancto Archistratego Sebastiano ipse supremis militiæ Dux gratias egit, quòd inter tot mortes, Procerum & Ducum funera ipse evasisset incolumis.

Anno M. DC. XXII, quidam Arthritide usque adeò afflictus erat, ut trunci instar sine omni motu jaceret. A D. Sebastiano, quem invocârat, auditus tridui itinere huc perreptavit, & plenè convaluit.

Arthritis.

Annus M. DC. XXIII, varios rursus morbos, prout in tabulas relati sunt, à D. Sebastiano pulsos exhibet: Videlicet Vito Lackhner Monacensi puncturas & aculeos cordis: Matronæ Nobili manibus pedibusque captæ & toto corpore tætrâ sanie obsitæ abstersam Elephantiasin; Alteri item Matronæ lethalem pectoris tumorem.

Varij morbi.

Anno M. DC. XXIV. Hospita Zornoldingensis ortum domi suæ in-

Incendium.

Z 2 cen

endum, voto ad D. Sebastianum edito, ita restinxit, ut minimo damno sopitum fuerit, nec ulterius eruperit.

Virum octogenarium diutino morbo stratum ingens desiderium incessit D. Sebastiano adhuc semel, antequam moreretur, supplicandi, & vitæ missionem per intercessionem ejus impetrandi. Votum igitur emisit Eberspergæ confitendi. Auditus est. tantum virium mox addi sibi sensit, ut Eberspergam ipse perreptare posset. Adrepsit, ibique confessus illud antiqui Simeonis propempticon sibi ipsi accinuit: Nunc dimittis servum tuum Domine; nunc ò S. Sebastiane, terrâ satur libens, volensque moriar! &c. Domum reversus convalescit quidem, sed meliore valetudine, atque etiam firmiore usus postea fuit, quàm antehac.

*Stephan-
tiasis.*

Anno M. DC. XXV. Christophorus Reindl Fraunbergensis pro-
lem

ab An. M. DC. XX. ad An. M. DC. XL. 355

lem suam ipsos annos duodecim horribili scabie & ulceribus deformem D. Sebastiano curandam enixe commendavit, & ecce! tæter morbus evanuit, qui immedicabilis credebatur.

Eodem anno Hemiplecticum quendam à fœdis in terram prolapsionibus à D. Sebastiano liberatum, Puerum insuper pedibus antehac captum, & elumbem feminam pristino vigori restitutam in fastis nostris invenio.

Anno M. DC. XXVI plura D. Sebastiani beneficia mortalibus ægris collata scriptò consignata sunt, verùm ejusdem propè coloris cum annis prioribus, ideò unum duntaxat & alterum allegare placet.

Petrus Merck D. Sebastiano in *Varia Infirmis* acceptis refert abstersos gravissimos capitis dolores ad delirium usque & aberrationem mentis progressos: Jacobus Hofmann Ingel-
mitates.
spergensis conjugē ex lethali mor-

Z 3 bo

bo quasi redivivam: Jacobus Weber Hambergensis filium antehac emotæ mentis sibi redditum: ac denique Joannes Feldner ex intervallis infaniens, ita, ut viginti septem annis in catenis atineretur, recuperatam itidem sanam & æquabilem mentem.

*Mania.**Epidemia.*

Anno M. DC. XXVII. pagus Althamensis præsentem D. Sebastiani opem expertus est: nam, cum malum Epidemicum locum illum invasisset, magnamque stragem haud ex vano minaretur, experrecta ad S. Sebastianum communitas illa vovit majorem Cereum & supplicationem decies quinquies Eberspergam per vices instituendam. Adfuit continuò favor ex alto, restatque sunt Althamenses oblata imagine & grandi Cereo, D. Sebastiano incolumitatem se debere.

Paralyfs.

Eodem Anno Melchior Mair Uxorem suam ex longa paralyfi salvam à D. Sebastiano recepit, Ca-
spa

sparus Stöckmair verò Indinganus
liberos venenatis pustilis asperfos
ex peste.

Anno M. DC. XXVIII. Bartho-
mæus Stockhamer Landishutanus
obsequio pestiferorum destinatus,
antequam periculoso muneri se ex-
poneret, edito voto se D. Seba-
stiano commendavit. Evasit liber,
& ejus familia. Idem de sua do-
mo testatus est Joannes Pröls Vo-
ckenstorffensis, quæ ingressâ jam
peste actu infecta erat, nullum ta-
men funus censuit.

Matrona quædam Landishutana
verbo & scriptò testata est, domi
suz sublatis infestâ contagione jam
septem domesticis, filiam quoque
nata minorem arfisse, voto verò
ad D. Sebastianum edito, malum
illicò stetitisse.

Hoc ipso anno duo Patres Oet-
tingani Soc. Jesu missi à Superiori-
bus peregrinatum venere Eber-
spergam, ut nomine illius domiciliij

Pestis

votum exsoluerent, eam maxime ob causam, quòd, Oettingâ licet afflatâ, nostris integra valetudo constiterit. Sed & nostri PP. Eberspergenses Sancto suo Indigeri incolumitatem suam in acceptis referunt: Satis enim perspicue constabat, aliquos peste actu correptos ex vitiatis ædibus clam egressos nostra in templo confessionalia subiisse, ibidemque flagrante jam morbo confessionem deposuisse, nihilque propterea lætos nostros, imò salvos permanisse omnes in obsequio Charitatis.

*Apparitio,
S. Sebastiani.*

Nec omittendum censeo, quòd sequitur. Mendicus quidam moriens à matre sua pro ultima quasi gratia enixè postulavit, ut pro se Eberspergæ ad Divi Sebastiani sacrum dici curaret, addiditque sibi aspectabilem adstitisse S. Martyrem clarâ specie, dixisseque expressè, finem vitæ sibi imminere. Vari respondit eventus; mortuus est Lazarus

zarus mendicus, & ut speramus,
assistente D. Sebastiano, piè ac
sanctè.

Anno Christi M. DC. XXIX. fa-
ctum noto ad honorè sancti Seba-
stiani, quod cum uno Patrū nostro-
rum contigit, & continet aliqua
omnino singularia. Tu, amice
Lector, rei seriem ex nostris tabu-
lis accipe, sic illæ habent: Non-
neminè ex nostris munificus Mar-
tyr Sebastianus multiplicibus be-
neficiis cumulavit, quæ quoniam
nunc demum ad liquidum explo-
rata sunt, etsi temporibus disjun-
cta, unius tamen narrationis filo
ac serie conjungenda sunt. Is er-
go Pater duodetriginta abhinc an-
nis cum admodum puer esset, gravi
ac diuturnâ in faucibus anginâ
propè propiùs strangulatus, operâ
demum Medicorum in tantum re-
stitutus est, ut convaluerit, tem-
poraria verò sanitas ultra mensem
sibi non constiterit, opusque fue-

Z 5 rit,

*Mira S. Se-
bastiani.
Benevolen-
tia erga Re-
ligiosum.*

360 Beneficia à D. Sebast. M. collata
rit singulis deinceps mensibus
noxium sanguinem per admotas
cucurbitas à faucibus abstractum
aliò derivare. Fiebat nihilomi-
nùs sæpiusculè, ut angina ipsis
induciis facta efferatior denuo se
colligeret, & majore vi locum
illum, quasi jam proprium, obli-
deret, omni Medicorum solertiâ in
irritum fatagente. Multis post an-
nis cùm hic ipse Pater in tertia Pro-
batione, uti vocamus, Eberspergæ
versaretur, eodem incommodo al-
tis jam radicibus confirmato ita re-
pentè prostratus est, ut, cùm nihil
humana promitterent, aut opis af-
ferent, de vita ipsius conclamatum
videretur. Venit ergo infirmo
in animum, spem naufragam Cælo
appellere, & opportunum auxilium
à domestico Patrono accersere.
Medio subinde noctis silentio, cùm
malum urgeret, in Templi nostri
Odæum collectis utcùnque viribus
perreptavit, ibique genibus adni-
xus,

R II

J^a

xus, parvulam, quam secum portabat, D. Martyris sagittam pio osculo veneratus è vestigio sensit se meliorem. Cubitum postea rursus concessit & indormivit præter morem. Manè is fuit à se diversus, quem omnes domestici merito admirarentur ab eo, quem viderant hesternum. Divinâ virtute erat sanus, ac incolumis, talisque permanfit toto Novenaio, intermisso etiam cucurbitarum usu, & consuetudine. Novem elapsis annis, cum duce obedientiâ longum iter suscepisset, rursus deprehensus est à familiari anginæ suæ malo; sed ad salutem rursus fuit è poculo bibisse, cui sacrata D. Sebastiani Sagitta erat immerfa. Advertit tam inopina & potens medicina ceteros itineris comites, quos inter erat ex sacra quadam ac Religiosa familia Pater quidam præcipuus, qui visâ mirabili virtute, Patri nostro beneficium recuperatæ in tempore

pore

pore sanitatis gratulatus, ab eodem
similem sagittam, cum plures se-
cum ferret, amicitiae jure impetra-
vit, fortè in similibus occasionibus
servituram. Elapso biennio dictus
Pater Societatis post tot superata
pericula ardente febris correptus est,
cui etiam paulò post accessit angu-
na, praesentiore periculo, quam
unquam aliàs. Confugit rursus
ad suum solenne remediũ, totiesq;
probatum. At ecce tibi, quod jure
mirum videri debet, cum morbus
in dies deterior fieret, ægerque po-
culum ori admoveret, contigit, ut
eadem sagitta hætenus profus il-
læsa & omnibus suis partibus inte-
gra repente in duas partes absiliret,
& hoc suo vulnere profiteretur,
abundè se hætenus, & fideliter
perfunctam esse medendi officio,
nec opus deinceps fore ullã ipsius
operã. Ita fuit. Æger eo potu,
quem hauserat, nunc quoque vix
non revoçatus à capulo, supervixit,
nec

ab An. M. DC. XX. ad An. M. DC. XL. 363

nec solenni illo morbo suo, quod
sciatur deinceps tentatus est.

Civis quidam erat Sigenburgen-
sis, Oppidi in Bavaria non ignobi-
lis, qui filium habebat infantem
peste jam affectum, utpote cui tu-
ber venenatum pugni magnitudine
incumuerat. Character hic mor-
tis erat. Pater filium D. Sebastiano
donavit ex toto. paulò post rus-
abiit, seu operi suo vacaturus, seu
tristes cogitationes in apricum &
libertatem paulisper educturus. Re-
dux invenit filium sine ullo pestili-
tatis vestigio.

Colonus quidam Oettinganus
post sublatam ex peste Uxorem &
liberos omnino octo, magnam do-
mus appendicem, etiam ipse arde-
bat pestilentibus quatuor carbun-
culis. Venit ipsi in mentem D.
Sebastianus consuetus mali hujus
Æsculapius; ei se devovit & ser-
vatus est.

An-

Pestis.

Pestis.

Pestis.

Anno M. DC. XXX. cùm Civis quidam Weilhaimensis filix suæ à pestilentia afflatæ & idcirco à proprio marito desertæ inservire compulsus fuisset, & ipse quoque defunctâ filiâ eodem malo laborare cœpisset, D. Sebastiano se addixit, ac convaluit. Agricoliarum nomeno, cujus nomen consultò reticetur, à Domino suo præter fas & modum austerè habitus, & in carcerem conjectus, ubi D. Sebastiano se commendavit, molestâ simul vexatione & carcere liberatus fuit.

Pestis.

Anno M. DC. XXXI. Parens familias quidam totâ domo suâ emortuâ, solus funeribus superstes salutem suam tot inter mortes servatam D. Sebastiano adscripsit, & voto edito Eberspergæ se exsolvit.

Annus Christi M. DC. XXXII. prævalentibus per Imperium Suevicis armis Bavariæ perquam luctuosus fuit, dedito præsertim Monachio

ab An. M. DC. XX ad An. M. DC. XL. 369

nachio Provinciae Metropoli, quo
tempore Divo quoque Sebastiano
migrandum fuit; cum pretiosum
ejus Cranium Serenissima Elisabe-
tha, prima Serenissimi Maximiliani
Electoris Conjux in fidem suam
acceptum Salisburgum secum de-
vexit, ubi, tanquam in Civitate
refugij mansit usque ad mensem
Marium anni sequentis Trigesimi
Tertij, quo Eberspergam relatum,
mox, recrudescente periculo bel-
lico, Serenissimo Duci Alberto
commissum Berchtersgadam trans-
latum est, uti supra diximus. Quo-
niam ergo hoc inquieto tempore
populus terrae & rusticana plebs
metu hinc inde dispersa erat, &
propter arma & absentiam sacri
Lipsani sub tubis & tympanis mi-
nus florebat, nihil quoque hoc an-
no circa collata à Divo beneficia
notatum invenio; nam Marte fu-
rente, praesertim Haeretico, minus
curata erat pietas. Anno tamen se-
quente

*Translatio
Cranii S. Se-
bastiani ab
151074.*

366 Beneficia à D. Sebast. M. collata
quente M. DC. XXXIII. exulante
licet, ut ita dicam, D. Sebastiani ex-
tra propriam sedem sacro Cranio,
gratiæ quædam per Sanctum impe-
tratae leguntur.

Incidium

Matrona quædam Divo voverat,
si prædium suum ab hostili flamma,
quæ in vicinia pleraque devorare
cœperat, illæsum servaretur, tan-
tum ceræ oblaturam se ad aram,
quantum incingendæ cereo filo toti
areæ, ac villæ sufficeret. Damna
voti est, servato intacto prædio, &
toto agro. Similem gratiam nos
ipsi Sancto nostro debemus, quod
exulcerati hostes, uti sæpius mina-
bantur, tectis nostris flammis non
subjecerint.

*Restauratio
Cereorum.*

Hoc ipso anno memoranda est
singularis pagorum quorundam &
Oppidorum in S. Sebastianum Re-
ligio: Nam cum superiore anno
noto furoris Suecici Sacrilegio se-
xaginta circiter majores Cerei vo-
tivi de statione sua quæ direpti, quæ
disperſi

dispersi fuissent, omnes illi, qui suos viderant desiderari, alios novos de integro vel obtulerunt, vel spoponderunt.

Anno M. DC. XXXIV, qui, uti supra vidimus, Eberspergæ vix non fuit fatalis, in villa Residentiæ nostræ duæ mulieres cum uno puerulo peste jam tactæ ope S. Sebastiani convaluere.

Nonnemo Rusticorum, cum videret ex plerisque pagi ædibus vel mortuos efferri, vel infectos decumberè, duas vaccas D. Sebastiano vovit, eoque lytro se & domum suam redemit, ut nihil in eam mors posset.

Mendicus quidam in Rustici horreum cum liberis admissus advertit in filia luculentum tuber extare, humanâ ope undequaque destitutus expassis brachiis in genua projectus D. Sebastiano supplex factus, intra viginti horas filiam prorsus salvam & liberam vidit.

Aa

Sa

Pestis

Sacerdos quidam infectis serviens & suprema moribundis subsidia administrans, venenum quoque secum domum retulit, quod ubi advertit ad Templum Eberspergente perrexit, digressisque ceteris, detractâ quæ ad Divi aram debat, pensili lampade, oleum ex ea sumpsit, plenusque firmâ spe pestilens tuber inunxit, quo facto domum reversus nihil residuæ pestis invenit.

Annus M. DC. XXXV. ipso natali die S. Martyris Sebastiani ingentem supplicantium multitudinem Eberspergæ numeravit, & quod mirum videri poterat, tametsi confertissimi starent Peregrini, nullus tamen compertus est alcerum afflâsse. Stabant innoxij omnes, licet deprehensa sint quorundam ulcera in ipso templo rupta fluxisse, & tabem propinâsse.

Pestis. Puella rusticana erat, cujus foror ex peste jam sublata fuerat, quæ & ipsa

ipsa malum profundè jam hauserat, jamque pro ipsa à vespillone scrobs parata erat. Eum ab effoso tumulo recens venientem conspicata puella, & quod erat, divinans monuit, ut hac supremâ & funerali in se Charitate abstineret, eâ namque firmâ fiduciâ in D. Sebastianum se ferri & acui, ut certò crederet, se ejus ope convalituram, & hac quidem vice tumulo minimè opus habituram. Et reverâ non multo pòst rupto carbunculo, uti speravit & dixit, convaluit.

Erant plures unâ in hypocausto quopiam, ubi ægra ad mortem femina decumbebât. Miscébatur inter alia sermo de facto pagi illius communi voto ad S. Sebastianum, Eberspergæ exsolvendo eâ adjectâ conditione, ut omnes omnino Sacramento in Divi ara legendo interessent, quibus per morbum & negotia liceret. Audiens hæc mulier lethali- ter ægra collecto spiritu, & omni-

Aa 2 bus

Pestis

bus viribus in hæc verba connixa est: hem, inquiebat, differatur aliquantisper, si fieri possit, editi voti executio, ut & mihi interesse liceat; libenter, ut puto, D. Sebastianus expectabit; nam & meâ plurimum refert, ut à communitate non excludar. Dicta probavit eventus: convaluit ægra, nemoq; posthac ex illo pago peste decessit.

Annus M. DC. XXXVI. æque multos habet per D. Sebastianum pestilitati vel ereptos, vel præservatos, atque anni priores, nominatim totum Oppidum Griespachense, de quo supra in capite Benefactorum.

Pestis.

Duo Rustici ex valle Pinzgiana, cum Pestis ibi quoque glisceret, peregrinationem eò instituendam voverunt, ubi celebris ille Patronus, quem ex sola fama, non item ex nomine nôrant, coleretur. Auditi sunt pro sua in Divum confidentia: servati ipsi, & ædes & familiariz

miliæ ipsorum fuere. Inter hæc diligenti inquisitione habitâ & Sanctus & Ebersperga ipsis innouit, quò cum pergerent religionis causâ, in via se tertius comes ipsis associavit, piè exostulans, quòd tam salutare consilium sibi quoque non communicassent, cuius reticentiâ & defectu unus & alter de suis decessisset.

Quod subjungo, factum singulare est, & dignum, quod multorum animis salubriter insideat ad horrorem usque, ijs præsertim, qui foeda imprecandi & maledicendi consuetudine tenentur. Mater erat, utcunque anicula, quæ viæ comitem secum ducebat octennem filiam. Præibat aliquanto spatio mater, utpote gressu robustior: tardiùs sequebatur impar filia. Impatienciâ victa mulier, quâ erat malâ consuetudine, ocyus filiam dæmoni devovit hisce sonantibus verbis: Rapiat te Diabolus, male-

*Mala im:
precatio.*

A a 3 dicta!

dicta! Adfuit momento Genius, licet matri non aspectabilis, & filiolam manu apprehensam per integrum agri jugerum longo satis intervallo abripuit, ut matri volare videretur. Suspicata parens, quod erat, illam à dæmone avehi, mox inconsulti dicti pænitens votum ad D. Sebastianum concipit, simulque filiam suam insequitur; quam gelido sudore perfusam, & vix non terrore exanimem reperit. Ea simul ac ex consternatione sibi redita fari potuit, quid sibi contigisset, aperte narravit: adfuisse scilicet ad diram imprecationem minime cunctabundum Cacodæmonem, apprehensamque manu abstraxisse expressis hisce verbis: Veni mea, melius tibi erit mecum apud inferos, quam in terris. Necdum historiae finis. cum mater postmodum in dies exequi votum differeret, redijt post aliquot hebdomadas dæmon, & alto vectus Pe-

galo

gaso ante fores constitit. Nôvit statim puella antiquum suum vectorem, præsertim cùm eam identidem allocutus paratum conscendere equum juberet repetito eodem dicto: mea, ô mea adhuc es filia, mea es, à matre mihi donata; veni, veni. Territa iterum atque iterum horribili spectro puella in hoc articulo & præfenti pavore rursus matrem inclamavit, & per quicquid potuit, rogare cœpit, ne se perditum, aut desertum iret. Id quod mater solerter cavit, exsoluto actutum voto, cujus executione innocentem sobolem ab omni dæmonis infestatione liberavit, Satanâ nunquam deinceps comparare auso.

Annus M. DC. XXXVII. memorabilem fecêre tum supplicantium numerus, tum etiam Personarum dignitas: nam præter octoginta pagos & Oppida & multa hominum millia, octo partim Serenif-

*Principum
quorundam
religio erga
D. Sebastianum.*

374 Beneficia à D. Sebast. M. collata
simi Duces, partim Illustrissimi Prin-
cipes D. Sebastianum Eberspergæ
coram venerati sunt, quos inter Se-
renissimus Elector Colonienfis, Se-
renissimus Lotharingæ Dux cum
Serenissima Conjuge, Illustrissimus
& Excellentissimus Legatus Regis
Hispaniarum, &c. Respondit vi-
cissim D. Sebastianus votis suorum
supplicum; testantur siquidem ta-
bulæ nostræ, numerum propè ex-
cedere beneficia hujus anni pesti-
feris collata, aut alijs morbis labo-
rantibus.

*Morbus le-
thalis.*

Puella quadrimula ab omnibus
jam conclamata, & vix non mor-
tua post emissum à parentibus vo-
tum multis passuum millibus huc,
ut putabatur, ad Sepulcrum depor-
tata à D. Sebastiano novam quo-
dammodò vitam recepit.

Pestis.

Octennis puella nescio quo ca-
lesti instinctu erudita à parentibus
facultatem petijt edendi ad D. Se-
bastianum voti pro domestica fa-
milia.

ab An. M. DC. XX. ad An. M. DC. XL. 375

milia. edidit tunc, quantum intel-
lexit bona animula, & gratum ha-
buit innocens obsequium Sanctus,
familiã à peste servatã immuni.

Anno Domini M. DC. XXXVIII.
D. Joannes Castner Mercator Mo-
nacensis argenteam S. Sebastiani
Statuam ex voto obtulit, quòd ope
Sancti fatalem tot mortalibus pe-
stem evasisset.

Pestis.

Anno M. DC. XXXIX. contigit,
ut unus Juniorum Bavariæ Ducum
ex filijs Serenissimi Alberti Ducis
Bavariæ procul à venatoribus di-
gressus solo Præfecto morum co-
mitante in densissima & intricatis-
sima silva longissimè aberraret, ha-
bereturque vix non pro perduto.
Voto ad D. Sebastianum nuncu-
pato à venatoribus uterq; studiosè
quæsitus, post multas ambages fe-
liciter demum inventus & in vi-
am reductus est.

*Amisi in-
ventio.*

§. IV.

§. IV.

BENEFICIA A S. SEBASTIANO COLLATA AB ANNO
M. DC. XL. USQUE AD ANNUM
M. DC. LX.

*Lues peco-
rum.*

INter vicinas Alpes hoc Anno
M. DC. XL. gravis pecorum
lues coorta erat. cum cetera non
prodesse, accursum est ad com-
munem beneficiorum fontem S.
Martyrem nostrum Sebastianum,
Acceptæ ejus benedictæ Sagittæ &
potui pecorino injectæ omnem ab-
armentis pestem salutari haustu
profigârunt.

*Voti dilatio
penita.*

Anno M. DC. XLI. Molitor qui-
dam Statuam ceream non inelegan-
tem octoginta sex librarum, alti-
tudine sex pedum in suam effigi-
em & imaginem efformari cura-
verat, quam ante quinquennium
peste afflatus D. Sebastiano vove-
rat, sed eò usq; votum exequi ne-
gle-

glexerat. Et fortè neglexisset diu-
tius, nisi monitore novo morbo,
accensâ febrî, denuò fuisset velli-
catus, & ab ipsomet D. Sebastiano
ceu aspectabili in somnis, ob suam,
uti referebat, socordiam castiga-
tus.

Non absimile priori contigit Pa-
tri cuidam de Societate Jesu. Erat
is ante Sexennium peste quoq; af-
flatus, evasit tunc quidem pericu-
lum, ubi cum bona Superiorum ve-
nia peregrinationem Eberspergam
vovit. Sed vel oblivione, vel ne-
scio qua alia ex causa factum est, ut
peregrinatio illa executioni man-
daretur nunquam. Placuit Divo,
monere suaviter, & cunctatori Pa-
tri memoriam accepti beneficii re-
fricare in illo ipso brachio, in quo
nuper signaculum pestis impressum
federat: tantis siquidem doloribus
partem illam, ac relictam ex mor-
bo cicatricem vir bonus occupari
sensit, ut infernalibus propè flam-
mis

378 *Beneficia à S. Sebast. M. collata*
mis ustulari sibi videretur. Subij
hac monitione sepulta voti memo-
ria, quod ubi renovavit, & paulò
post promissum exsolvit, dolor o-
mnis nullâ aliâ adhibita medicinâ
evanuit.

*Lues peo-
rum.*

Hoc Anno M. DC. XLII. nihil
aliud admodum notabile in tabu-
las relatum est, quàm quòd inte-
gri ovium greges venenatam, quæ
serpebat, luem evaserint, non alio
adhibito medicamine, quàm quòd
aquam biberint immerfis D. Seba-
stiani Sagittis consecratam. quo
quidem in genere beneficus San-
ctus noster non tantum hominum
Medicum, sed & ignobilium pe-
corum se probavit multoties.

*Despera-
tionis Consi-
lium.*

Anno M. DC. XLIII. quidam de
rusticana plebe nescio quibus ma-
nibus & occultâ vî instigabatur, ut
desperationis laqueo fauces sibi
præfocaret. Jamque occasione im-
minebat, & collum resti induerat.
Sed mora aliqua divinitus injecta
erat

ab An. M. DC. XL. ad An. M. DC. LX. 379

erat, ne se laqueo conficere posset, quod tamen avebat. Ergo vitæ satur & deliberatâ morte audentior ad puteum altum accurrit, ut eo spiritum mergeret. Verùm lucido rursus intervallo in turbida mente orto à tætro facinore nunc quoque absteritus est. Subinde ad D. Virginem conversus miser eam candidè obtestari cœpit, dignaretur sibi lumen de cœlo accendere, ad cuius radios cernere posset, quid sibi tandem agendum foret, quò à supina tristitia, & desperatione animi tandem exire posset. Illicò in mentem venit, Eberspergam concederet, ibique apud peritum animorum Medicum peccatorum sarcinam poneret, tum D. Sebastiano certas preces funderet, certissimò tali ratione optatâ tranquillitate & pace animi potiturum. quod & factum.

Annis tribus sequentibus
M. DC. XLIV. M. DC. XLV. &
XLVI.

XLVI. pauca literis mandata reperio, sive clientes, qui beneficia accepere, nomina sua non dederint, nec favores Sancti indicaverint, sive manus Notarij eas gratias à prioribus annis non ab similes diffimulaverit. Miraculorum Syllabum abundè supplet, meo quidem iudicio, cœpta hoc anno hîc loci S. Sebastiani Congregatio, de qua supra fusiùs actum est.

Ceterùm erat hoc tempore vini benedicti & per sacrum Granium transfusi usus longè frequentissimus, ita, ut in Austriam usque ad preces piorum transmissum fuerit.

Vir quidam honestus non uno dolorum irritamento exercitus & pluribus morbis laborans identidem in somno moneri sibi visus est, ut si restitui sanitati perciperet, nomen erectæ recens Congregationi sub Titulo & vexillo S. Sebastiani daret. paruit, & sanitatem

in

in præmium salutaris & pij operis
tulit.

Anno Christi M. DC. XLVI.
cum rursus ab utroque propinquo
hostili exercitu metus & vastitas
imminerent, D. Sebastiano iterum
migratio indicta est. Sacrum nam-
que ejus Cranium per deputatum
â Superioribus Patrem de Societa-
te, denuo ad tutiora Salisburgum
translatum, & uti erat fido sigillo
munitum in Ecclesia S. Petri depo-
situm est, ubi permansit usque ad
Autumnum Anni Millesimi Sex-
centissimi Quadragesimi Octavi.
quo tempore Eberspergam rela-
tum magno populi plausu & ho-
noris significatione exceptum in
antiquo Sacrario repositum fuit.
Ceterum minimè silendū videtur,
quòd eodem Anno M. DC. XLVI.
ante translationem sacri Thesauri
contigit. Suspiciabantur aliqui ex
signis verisimilibus inter alias Ec-
clesiarum gazas etiam D. Sebastiani
Cra-

*Translatio
iterata S.
Cranij Salis-
burgum ad
tutiora.*

*Religio mira
erga sacrum
Cranium.*

Cranium ad tutiora avehendum, quare magnis precibus institerunt, ut ante convagationem illud adhuc semel exosculari, & Sacrum ex eo vinum libare haud gravatè liceret, seu in solatium valetudinis adversus gliscentes morbos, seu in supremam valedictionem, cum fortè eum thesaurum ultimum visuri essent. Et quod mirère, re-
 pertus etiam est nonnemo, qui ad currum, quo sacrae compactae Reliquiae vehebantur, eo in loco, ubi per noctem substiterat, toto illo tempore, accenso ad reverentiam Cereo, preces continuò funderet somni immemor. Quod sanè magnum Religionis argumentum à pluribus habitum est.

*Inventio
 perditorum.*

Anno M. DC. XLVII. D. Sebastianus sollicitè invocatus singulariter benignus fuisse perhibetur in restituendis prolibus, quæ fervente bellico turbine, vel à militibus abstractæ, vel metu dispersæ, velut

ab An. M. DC. XL. ad An. M. DC. LX. 383

ovēs veniente lupo in diversa acta,
pro perditis habebantur, quarum
pleræque magno parentum solatio
ad propria rediēre, non alio viæ
ductore, quàm D. Sebastiano, cui
à domesticis fuerant commen-
data.

Anno porrò M. DC. XLVIII. ut
paulò antè dictum est, cum reve-
cto Sancti Cranio rediit & spes mi-
serorum, præsertim cùm passim eti-
am hac in vicinia repullularent
haud obscura semina pestilentia
per intervalla nonnihil antehac so-
pita. Primi honorem Divo sospi-
tatori habuerunt, atq; etiam opem
senferunt Wasserburgenses, qui,
cùm per eam Urbem reveheretur
sacrum Lipsanum, veluti Arcam
foederis adversus luem certissi-
mam, exceperunt, & in Templo
Parochiali maximo numero vinum
ex eo tanquam antidotum haufe-
runt.

*Wasserbur-
gensium Re-
ligio erga
sacrum Cran-
nium.*

Bb

Ipse

*Testimonium
Sereniss.
Elect. Ma-
ximiliani de
beneficiis à
S. Benefico
acceptis.*

*Religio
Serenissimi
Ducis Al-
berti ejusq;
de S. Seba-
stiani bene-
ficiis testi-
monium.*

Ipsemet Serenissimus Elector Maximilianus cum Salisburgo re-
dux hæc transfiret, abundè quoque
declaravit, quantum sibi D. Seba-
stiani beneficia in varijs expeditio-
nibus exhibita cordi essent, Porro
Serenissimus Dux Albertus ab in-
genio etiam Stratagema Pietatis
mutuatus est, ut præsentem semper
D. Sebastiani opem secum, quo-
cunque pergeret, ipse deveheret:
Cum enim Vinum sacri Cranij at-
tactu consecratum absq; vitio aco-
ris diutiùs conservari non posset,
voluit ipse, jussitque, ut sindon
mundissima telæ subtilioris sacro
liquori intincta exsiccaretur, quæ
deinceps, quoties imperaret Prin-
ceps potui rursus injecta virtutem
primitus ex sacro Cranio imbibitam
alteri haustui communicaret & ad-
versus pestem valeret, quod sanè
Optimus ac Religiosissimus Prin-
ceps se multoties expertum testi-
monio omni exceptione majore
asseveravit,

Matrona quædam grandi pesti-
lenti carbunculo & tubere conflu-
ens, & metu periculi à domesticis
omnibus deserta mortem in horas
operiebatur, imò etiam gemitu &
votis accersebat. Nihilominus al-
tiore útiq; instinctu animata, ut
nihil non pro salute sua ageret ac-
tentaret, vice quapiam D. Seba-
stiani Sagittulam quæ fortè ad ma-
nus erat, cum spe venenato ulceri
applicuit & factâ crucis figurâ, ceu
impresso Sigillo, pestilentem car-
bonem signavit. Mirùm dictu! ad
primum sacri spiculi contactum
detumescere ulcus, calor minui,
reflorescere sanitas, redire vires
minimo intervallo visæ sunt.

Anno M. DC. XLIX. frequens
fuit eorum numerus, qui se ope S.
Sebastiani vel à peste servatos, vel,
cùm actu eâ laborarent, tempestivè
liberatos asseruerunt. Omnium
Nomina adscribere propositi nostri
non est.

Bb 2

Se-

*Ulcus pesti-
ferum.*

Sequitur Annus M. DC. L. ordine Jubileus, Eberspergæ verò ab insolita quò ad numerum Religione confluentium Peregrinorum inprimis memorabilis: hoc quippe anno à varijs Urbibus, pagis, & Oppidis Nonaginta tres supplicationes Eberspergam pulchro ordine ductæ sunt, agmine semper confertissimo.

Inter alias eluxit Urbs Frisingensis, quam longâ procedentium ferie duxit ipsemet Reverendissimus & Celsissimus Episcopus Vitus Adamus, ritûque Pontificio rem divinam fecit in gratiarum actionem, quòd non modò aula ipsius, verùm etiam Urbs D. Sebastiano favente ab omni Peste sincera conservata fuisset.

Episcopi Frisingensis, ejusdemq; Urbis in Divinum Religio.

Hoc eodem Anno Serenissimus Dux Albertus voluit, ut totus suus Comitatus Hagensis D. Sebastiano supplicaret, quod & præstitit tota ditio piè ac Religiosè oblato prægrandi

Hagensium Religio.

R II
JA

grandi cereo pondere centum tringinta librarum. Quod ipsum argenteam etiam Statuam testati sunt Vilsbiburgenses, de quibus suo loco inter Benefactores dictum est.

Jacobus Knablschmid Grainburgensis prolem suam peste jam infectam intuitus & hanc quidem voto edito recuperavit, & reliquam familiam labis puram conservavit.

Pestis.

Fuit alius trans Juvavum fluvium (hodie Salsam, seu Salzam appellant) qui, cum in medio duarum aedium constitutus, unam quidem penitus exhaustam & orbam videret, alteram vero ex copiosa familia ad tria capita redactam intueretur, periculo & ipse proximus D. Sebastiano votum fecit, si cum suis evaderet, evasit, & Divo bovem ad aram immolavit.

Pestis.

Vir primarius duarum Urbium Praefectus olim Haeresi addictus, postea ex ea conversus in simili pe-

Pestis.

riculo S. Sebastiano, cujus fama ad ipsum pervenerat, peregrinationem vovit. Voti damnatus sensit non modò domesticos, verùm etiam subditos suos intactos perstitisse, viciniâ, qua latè patebat, viatâ.

Ancilla quæpiam undecim infertis inferviebat, quos omnes pestis abripuit, ipsa sola sub scuto S. Sebastiani mansit incolumis.

Fest. Sequentibus tribus annis Millesimo Sexcentesimo Quinquagesimo primo, secundo & tertio eadem ferè beneficia tabulis nostris illata sunt; multi siquidem Eberspergam delati sanctè affirmârunt, se, grassante ante trienniû peste voto ad D. Sebastianû nuncupato inter cadentia à dextris & à sinistris funera intactos perstitisse, quasi commune malum nihil ad se pertineret.

Vicini. Anno M. DC. LIV. Civis quidam Monacensis digito manûs su-
pra

pra modum intumescente gravissimis cruciabatur doloribus. Jamque periculū illius præcidendi instabat, judicantibus Chirurgis, factius fore, digitum dare, quàm manum, aut vitam amittere. Sævum hoc medium visum, & ægro perquam durum, & ideò non acceptandum. Ad Divum ergo Sebastianum versus, sanitatem sperare ausus est, gnarus, benevolum Sanctum non modò digitum, verùm etiam totam manum, si ita opus est, porrigere consuèsse. Nec suâ spe frustratus est. Recepit æger digitum à medicis jam condemnatum, sanum & integrum. Eberspergam advolavit, gratias egit.

Veldkirchensis agricola totâ familiâ peste extinctâ supererat solus & unicus & ipse jam afflatus, funus spirans inter funera. Ubi primum S. Sebastiano edito voto se commendavit, fuit quasi inter mortuos liber.

Testis.

Puerperium

Anno M. DC. LV. D. Sebastia-
nus Patronum se exhibuit puerpe-
ræ. Erat, quæ jam à semestri ute-
ro & proli malè ominabatur ex si-
gnis minimè vanis. Accedebat ob-
stetricum opinio, quæ fœtum vel
transversum, vel aliunde implici-
tum suspicabantur. Fatali adven-
tante horâ pariens se & prolem su-
am D. Sebastiano impensè comen-
davit. Et ecce ! ope Divi anxia
mater, quam desperaverat vitam
felici enixu binæ proli dedit, osten-
ditque re ipsâ Divus, ut de pluri-
bus bene mereri possit, se beneficia
sua etiam geminare didicisse.

Pestis.

Anno M. DC. LVI. quidam ge-
nere Nobilis cùm S. Sebastiano
Missam & majorem Cereum vo-
visset, intactus à maligna peste ser-
vatus est cum tota familia, licet in
pago, ubi residebat, amplius quin-
quaginta fuissent extincti, & pagus
ipse esset proscriptus. Incolæ famâ
hujus prodigij exciti Sacellum in
ho-

honorem S. Sebastiani erigendum
vovent. Ubi ergo descriptâ areâ
lapides in certum locum pro susci-
piendâ fabrica congesti sunt, mox
pestit, quasi accepto imperio desit,
quæ antea multum sævierat.

Musicus quidam Electoralis D.
Sebastiano quædam vovit, eum sibi
finem præfigens, ut amici Romæ â
peste, quæ hoc anno Italiam mul-
tùm populabatur, intacti persiste-
rent, quod & factum.

Anno M. DC. LVII. honesta ma-
trona equo fortè vecta & â calci-
trone excussa D. Sebastianum in-
vocavit. Nihil ex sinistro lapsu
passa, lubens D. Sebastiano libera-
tionem â præsentî periculo adscri-
psit.

Quispiam ex præcipuis ab Alpi-
bus usque Tirolensibus Ebersper-
gam accurrit, ut gratum se so-
spitatori suo sisteret, ob superatam
præter expectationem malignam
febrim, in qua â Medicis prorsus
fuerat depositus.) An.

Pestis.

*Lapsus ex
equo.*

Febris.

Anno M. DC. LVIII, & M. DC. LIX. similia ferè notata exhibet Beneficiorum liber. Ceteris præteritis, unum saltem adducere placet.

Mania.

Anna Vonkölin mortuâ quinquenni filiolâ unicè amatâ, plurimum eâ morte, qui est ferè matrum genius, affligebatur, ut periculum esset, ne mente moveretur. Sed edito pro ipsa ad D. Sebastianum voto animum recepit, & casum illum multò jam æquiore sensu tulit.

S. V.

BENEFICIA A D. SEBASTIANO COLLATA AB ANNO CHRISTI M. DC. LX. USQUE AD ANNUM M. DC. LXXXVII.

PAuca è pluribus seligo. Anno M. DC. LX. mulier fuit bonæ mentis, quæ se bidui itinere huc ferebat, eam præcisè ob causam, ut D. Sebastiani Sagittam sibi com-
para-

ab An. M. DC. LX. ad An. LXXXVII. 393

& pararet, nam eam, quam habebat, amiserat, quâ (uti ipsa asseverabat, etiam rem juramento testari parata) potui inmixtâ tot annis pleuritidem aliôsque morbos tam in se, quàm alijs feliciter sanare consuêset.

Georgius Anzinger Tegernb- *Cephalalgia*
censis horrendis capitis doloribus, qui altâ stabant radice, & à tempore incrementum sumpserant, ad insaniam usque adigebatur. voto ad D. Sebastianum facto, tota capitis tempestas serenata est, velut si ventus nubes dispellit.

Anno M. DC. LXI. Joannes *Lues peco-*
Schmidmair Ardingensis, fetigero *rum.*
pecore suo jam mediam partem imminuto, contagionis illius Medicum D. Sebastianum confidenter imploravit, nec ultra progressa est lues.

Joannes Georgius Staudinger *Pestis,*
cùm Scribam ageret, & jussu Magistratus periculosis illis temporibus

394 *Beneficia à D. Sebast. M. collata*
bus codicillos, & inventaria, ut vo-
cant, etiam in domibus infectis,
prostantibus inhumatis cadaveri-
bus peste extinctis, conficeret, ni-
hil tamen morbi unquam attraxit,
aut contubernio imbibit, quia voto
ad D. Sebastianum edito periculi
prudens se præmunierat.

*Morbus Le-
thalis.*

An. M. DC. LXII, & M. DC. LXIII.
perrexit sanctus Patronus noster
solenne suum tenere, & Medicum
se ostendere. Bini ab omnibus pro
desperatis habiti & æternitati jam
accincti, implorato D. Sebastiano,
cum admiratione omnium conva-
luerunt.

Mania.

Studiofus Academicus studiorum
curriculum emensus sive conten-
tione literarum, sive dolore capi-
tis, sive alia de causa vitium in ce-
rebro patiebatur. Ubi verò pa-
rens ipsius Civis Ardingensis eum
D. Sebastiano devovit, sanum il-
lum, sui que compotem recepit.

Anno

Anno M. DC. LXV. Anna Kög-
lin Eberspergam venit voti rea, &
hoc, quod subjungo, testata est.
Fratr ipsius Georgius Kögl à ster-
nace equo illis calcib⁹ miserrimè
vapulaverat, adeò, ut peritis vide-
retur, nullis deinceps perficiendis
laboribus futurus idoneus. Ubi
verò soror ipsum D. Sebastiano ob-
strinxit, paulò pòst integrè, etiam
ex ruptura sibi restitutus est.

*Lapsus &
periculosus
ab equo.*

Æger quidam jam æternitatem
prospiciebat, utpote in agone con-
stitutus, ope tamen D. Sebastiani
ex ipsa, ut ita dicam, morte iter
relègit, seque Divo gratum stitit.

*Morbua Le-
thalis.*

Anno M. DC. LXVI. D. Geor-
gius Brunner Præfectus in Starz-
hausen & Birnbach in gravi dysen-
teria D. Sebastiano tabulam vovit,
& malo liberatus est.

Dysenteria

Joannes Peter Dorffensis Parœ-
ciæ ob insanissimam amentiam ipse
decem hebdomadibus catenis il-
ligatus servabatur, at verò voto pro
ipso

Mania.

396 Beneficia à D. Sebast. M. collata
ipso ad D. Sebastianum facto subitò obortâ luce cum admiratione omnium ad se rediit.

*Agram
pecus.*

Alia ad invocationem Sancti ægram vaccam sanam recepit, & in gratiarum actionem ex restituta matre vitulum eidem ad aras obtulit.

Desperatio.

Anno M. DC. LXVII. quidam jam apud se decreverat, violentas sibi manus inferre, & certam sibi necem consciscere. Verùm, cùm se ante ferale opus D. Sebastiano commendâisset, aliàm subitò mentem induit, intusque clarè se moneri sensit, ut Eberspergæ animum expiaret; sic enim desituram tempestatem. paruit interno monitori, & omnes priores turbæ, quibus agebatur in interitum, conquieverunt.

Fluxus sanguinis.

Elisabetha Riederin cum muliere illa Evangelica fluxu sanguinis laborabat; verum illum fontem sic cavavit invocatus Sebastianus.

Anno

ab An. M. DC. LX. ad An. LXXXVII, 397

Anno M, DC, LXVIII, D. Sebastianus in tempore adfuit Nobilissimo Parthenoni Edelstettersi in Suevia, cujus Reverendissima Antistita votum ediderat ob pecus contagiosâ lue infestatum. Abacta est feliciter pestilitas. in cujus rei fidem eadem Reverendissima pretiosam Albam Sacerdotalem, ut vocant, ex subtilissima tela magnis & conspicuis segmentis byssinis fimbriatam dono submitit.

Lues peccorum.

Joannes Braunber Miesbergensis à S. Sebastiano liberos suos venenatis pustulis laborantes salvos omnes ex illis maculis recepit.

Venenata pustula.

Anno M. DC. LXIX, Communitas Hilginensis D. Sebastiano votit legendum Annum Sacrum Eberspergæ, pro avertenda ab agro suo grandine, quâ fata ipsorum crebrò antè petebantur. Ab eo tempore pepercit ipsis lapideum Cælum.

Grande.

Jo-

Ulcus.

Joanni Müller Electorali tabel-
lario filiulus erat, Josephus parvu-
lus, cujus collum prægrande ulcus
occupaverat, in quo curando fru-
stra Medici & Chirurgi operam su-
am consumpserant. Voto ad Di-
vum à parentibus facto convaluit
Josephus, & Eberspergam ad so-
spitatore[m] suum adductus est.

Clauda.

Anno M. DC. LXX. Mulier
quædam cum gravissimis pedum
doloribus conflictata, ipsoq; gressu
capta, cum aliquando præter mo-
rem placidius indormisset, visa est
sibi in templo S. Sebastiani recta
consistere, ibique inambulare. Eâ
imagine se monitam credidit, ut
votum ederet: edidit. Et ecce
vaticinium de somno factum est.
Constitit pedibus mulier:ambu-
lavit; Eberspergam adiit: gratias
egit.

*Lapsus ex
curru.*

In ipsa Pentecoste cum quatuor
personæ carpento vectæ ad S. Se-
bastianum peregrinatum ducerentur,

tur,

tur, octennis puella properante aurigâ ex curru decidit, posterioribus rotis toto corpore mox subjecta. Et re ipsâ incedebat per ipsum curru. fortè autem, quod pronum erat, incumbente pondere miserè quoque obrita fuisset, nisi & obsequio peregrinationis, & invocatione sub ipsum casum factâ Sebastianus innocentulam servâsset.

An. M.DC.LXXII. M.DC.LXXIII & M.DC.LXXIV. eadem ferè, quæ supra, recurrunt. Unum & alterum memoriâ dignius esse videtur. Andreas Spizhuet, Tegernaviensis in villa Eberspergensis verna & auriga ponè curru bene onustum fallente vestigio concidit, & à rotis per medium corpus toto pondere transeuntibus miserè habitus obritusque fuit. At ubi votivam tabulam rei totius indicem ad D. Sebastianum animo concepit, patronio illius fretus propediem sibi

*Periculum
Obrissionis.*

Cc resti-

400 *Beneficia à D. Sebast. M. collata*
restitutus est, nullo quassato mem-
bro. pendet etiamnum tabella ad
Divi aram, magni beneficij testis,
& penicillo suo loquitur acceptam
opem.

*Periculum
Mensis.*

Anno M DC. LXXV. rursus Pa-
tronum suum beneficium sensit
Ebersperga ob Cæli inclementiam
& continuas pluvias, quibus in lon-
gum durantibus periclitabatur se-
ges. Exposito autem propterea in
ara ejus sacro Cranio & institutis
pietatis officiis, continuo melior
facies & color Eberspergeni Cælo
restitit, atque etiam aëris hilaritas
perduravit. Idem de agro suo re-
status est Joannes Brexel, qui in
honorem Divi Sacrum legi cura-
vit, quod deploratos propè terræ
fructus opinione suâ abundantius
in horrea intulerit.

*Periculum
ab aciculis.*

Anno M. DC. LXXVI. Anna
Mairin Grienseibelstorffensis per
incuriam aciculam deglutijt. Hæsit
ille hamus per integrum mensem
per-

ab An. M. DC. LX. ad An. LXXXVII. 401

pertinaciter in exulcerato gutture,
maximo respirantis incommodo,
nec minore dolore. Ubi primùm
tabulam D. Sebastiano vovit, exijt
nullo alio instrumento adhibito,
latens aculeus. Mulier beneficij me-
mor pictam tabulam Eberspergam
tulit, unà & aciculã è filo pendulam
nuper gutturi tenacissimè infixam.

Anno M. DC. LXXVII. Præno-
bilis D. Wilhelmus à Spilberg in
geminis gravibus corporis pericu-
lis promisso Sacro & votivâ tabulâ,
quam postea ad aram Divi suspen-
di curavit, auxilio S. Sebastiani be-
nevolè & opportunè se liberatum,
servatùmque testatus est.

Melchior Böttinger jam tres
equorum pullos, seu hinnulos con-
tagiosâ lue extinctos amiserat. Lan-
guebat eodem malo etiam quartus.
vovit tabulam D. Sebastiano vir
bonus. stetit lues, & quartus ex
tabe refloruit.

Grave peri-
culum.

Lues equo-
rum.

Cc 2 Virgo

*Periculum à
Lenone.*

Virgo rusticana erat pudoris sui
& corollæ apprimè amans. Hæc
ab armato equite ad flagitium non
tam postulabatur, quàm urgebatur,
amore & metu, blanditiis & ostenta-
tâ vî. Nihil opis erat ab homi-
nibus in loco remoto, quare con-
fûgit ad superiores, & D. Sebastiano
Laurum ac Liliû suum unicè com-
mendavit Christiana Daphne. Ser-
vata mirabiliter à turpi lenone vi-
tam & castimoniam D. Sebastiano
in acceptis retulit.

*Gravis in-
firmitas.*

Anno M. DC. LXXVIII, Ursula
Meserin Obervichingana ex tam
gravi periculo ac discrimine, ut
præ immanibus doloribus mors eti-
am optabilis videretur, erepta fuit,
cujus rei testem votivam tabulam
appendit.

*Periculum
obritionis.*

Gaspar Hirl Mosenfis Monachio
rediens currum frumento onustum
devexit, cui, fallente vestigio, toto
corpore subjectus illicò subducere
se non poterat. Binæ propterea
postea.

posteriores rotæ sinistrum ipsius pedem ex occasione deprehensum miserè confregerunt, voto facto, gaudet vir bonus mitiùs se habitum, & sub felici Chirurgo ossa sine fœdiore corporis, aut pedis vitio coaluisse, id quod singulari appensâ tabulâ postmodùm testatus est.

Similem tabulam appendit miraculi testem Maria Kamerlorin, quâ se ex ipsis mortis faucibus ereptam profitetur: laborabat enim, lethali carcinomate, quod omni humanâ ope superiùs videbatur.

Carcinoma.

Casparus Schirfl ob mortem matris ex nimia tristitia in maniam incidit, ope tamen S. Sebastiani, cui se in lucido morbi intervallo, quod ei Deus submisit, impensè commendaverat, propediem restitutus, pristinum, rectumque usum rationis recepit. quod tabulâ votivâ appensâ palàm fecit.

Mania.

Juvenis rusticanus infelix paterni currus regendi Auriga sub onusto carpento procubuerat, jamque crus infelici casu fregerat: mortem tamen certissimam evasit, ubi Confessionem à tota vita & pictam tabellam in anathéma D. Sebastiano ad aram vovit. Alius quoque hoc ipso Anno furentes equos & salinariã quadrigã, rupto temone, jam non tenere poterat. Ibant propterea omnia præter legem sursum deorsum. In auxilium vocatus D. Sebastianus fatalem casum vel stitit, vel avertit.

*Equi furiosi,
& ab ipsi ob-
tritionis pe-
viculum.*

*Sexus ma-
ritus.*

Conjux quædam gemebat sub marito lurcone, qui non tantum omnia abliguriebat, verum etiam crudelitate & sævitiã propè non latronem se præstabat: erat enim leo evertens domesticos suos. Cum in hominibus spes nulla esset, aut timida, quæsivit apud superos remedium misera. Et ecce! paulò post maritus defunctus est. Sed
mox

mox successit Uxori febris admodum torrida, quam ipsa tot casibus jactata etiam D. Sebastiani imploratâ ope feliciter dispulit.

Anno M. DC. LXXIX. Pistor Eberspergensis Cholicis doloribus trium septimanarum spatio ad mortem usque torquebatur. promissâ ad D. Sebastianum certâ pecuniolâ respiravit, & salutaria medicamenta, antehâc imbecilla, velut acceptâ facultate, officium suum fecere.

Cholera.

Persona quæpiam, post nescio quod scelus perpetratum, desperatissimis animi furijs agebatur in præceps, ipso etiam aspectabili dæmone ad violentam mortem invitante, & ultrò occasionem offerente. Ubi verò D. Sebastianum adiutorem compellavit, mente jam multum æquior animi sordes posuit, pacemque deinceps habuit.

Desperatio.

Xantippe quæpiam, quæ multis annis parricidali tentatione mirum

Gravis Tentatio.

Cc 4 quan.

quantum invalescente, agitabatur; ut proprium maritum ad plures mitteret & occideret, ope S. Sebastiani à nefaria mente & proposito abductam se professa est.

Pestis.

Michael Bräntl Walperzkirchij in Bavaria natus, opificio victor Viennæ in Austria domicilium fixerat hoc ipso tempore, quo vastatrix pestis tot hominum millia ea in Urbe absumpsit. Voto propterea D. Sebastiano se obligavit, quod postea soror ipsius Walperzkirchij morata, exsolvit, ob insigne & rarum beneficium, quod ab eo tempore nec ipse paterfamilias Michael, nec domus ejus in media regione mortis quicquam ab illa communissima lue perpeffa sit.

Gravis Infirmitas.

Balthasar Köck Pfaffinganus inunte Vere gravi morbo correptus ultra anni quadrantem constans decubuit, ut vix per pauculas horas extra lectum quandoque esse liceret, omni præterea membrorum usu ut plu-

plurimum captivo. Varios equidem in hac sua infirmitate Gælites invocaverat; sed nullum propterea adfuit ex alto opportunum auxilium. Quantum fas est credere, servabatur hæc D. Sebastiano gloria, cujus ope recreari afflictam valetudinem sensit, & publicè etiam prædicavit.

Quod sequitur, & Sanctum, & D. Sebastiano gloriosum est. Puella erat sæpè aliàs multum contra pudicitiam tentata, atque etiam procos insidiatores passa cum laude victoriæ. Accidit, ut cum honesto viro & domi suæ noto ad celebrem quendam locum tenderet. Progressis sat longo spatio jungit se vir tertius itineris comitem. Omnia signa initiò honestatem loquebantur, & virtutem: re ipsâ diabolus personatus erat in omnes occasiones intentus, ut bonæ femellæ pudori immineret. Viro altero non-nihil, ut fit, remanente, neq; ta-

*Periculus
à demoni-
proco.*

Cc 5 men

men extra conspectum progredi-
ente, cœpit hic Thraso apertè
Amasium prodere, opulentiam su-
am jactare & extollere; annulos
promere, & bene multos aureos
nummos ostentare, quibus sibi sub
honesto titulo & colore futuram
sponsam subarrharet. Aurea hæc
verba erant, aurea promissa, sub
quibus tamen nescio quid terrifi-
cum latere puella adverterat: pro-
dit enim suomet se calceo & pede
quantumvis vaser dæmon. Ergo
tacitè bona virgo votum ad Divam
Duntenhufianam & S. Sebastianum
Eberspergenssem facit. Et ecce!
Scenicus ille Sponsus momento di-
sparet, nec postea, præter naturam
lenonum sæpiùs redeuntium, un-
quam ampliùs suis cum nundinis
visus est. Virgo eo casu multò
doctior votum suum Eberspergæ
exsolvit, & servatæ pudicitæ no-
bile trophæum conservatori Seba-
stiano statuit.

An-

Anno M. DC. LXXX, Andreas Hamersperger nimio sanguine per *Sanguinatio.*
nares effuso ad extrema deductus, cum reliqua media sistendo fonti illi nihil opis adferrent, D. Sebastiano commendatus mox stare guttam jugiter manantem sensit, eoque Medico opitulante prope diem & succum pristinum, & vividum colorem recepit.

Gaspar Lenger pedem habebat *Ignis sacer.*
igne sacro, ut vocant, ustulatum, voto ad D. Sebastianum facto, incendium illud mox sopiri, & non multo post penitus extingui sensit.

Sagittæ D. Sebastiani nomine & sacri Cranij affectu consecratæ non *Pestis.*
ita pridem ab Illustrissimo quodam Magnate in Bohemiam ad sua Bonna, quæ ibi possidet, missæ suam ex superata ibidem peste victoriam & laudem retulerunt, cultumque Divi propitij ibidem locorum non mediocriter propagarunt.

An.

*Angustia
pectoris.*

Anno M. DC. LXXXI. Joannes Mair Schönauigiensis à gravibus pectoris angustijs & oppreſſione anhelicûs interceſſione S. Sebaſtiani liberatus eſt.

*Lues peco-
rum.*

Urfula pauper Colona Frauen-Neuhardingeniſis viderat vitulum ſuum neſcio quo malo tabidum, jam toto corpore & membris omnibus in mortem reſurrectum. Comiſeratione pecudis tacta vovit figuram ceream formæ minoris S. Sebaſtiano, quem medicum ſeiverat non tantum hominum, ſed etiam pecorum. Intervênit maritus, & vitulum jam ferè extinctum videns, ſtultum ac ſupervacaneum votum increpavit cum dicterio. perſtitit tamen uxor in fiducia, & ecce! proprio niſu & viribus paulò poſt vitulus, velut ex deliquio, in pedes aſſurgit, plenèque convaleſcit. Idem de vaccis ſuis in partu laborantibus teſtati ſunt Georgius Kerſchl, & Joannes Knalling, ambo Ruſtici, Ca-

Catharina quædam, virgo pauperrima, suâ tamen forte, ut putabat, felix in altam cerasum (quæ præcipitio ex parte declivi, stipite suo imminebat, in vastam scrobem propendens altitudine pedum triginta sex) eluctata fuerat, ut inde cerasa legeret. Verùm cum esset in edito, subitò coorto valido vento impulsâ foliosa arbor feminam suapte naturâ & sexu timidam in vertiginem egit, ut nullâ jam ratione à lapsu se continere posset. Subiit tamen, ut priusquam ex alto rueret, D. Sebastiano in brachia se commendaret, quò leuius saltem caderet. Cecidit, sed ita feliciter, quasi in substratas plumas nullo corporis damno, imò vix sensu.

Ursula Obermairin igneâ febri torrebatur; verùm ex hoc suo, ut ita dicam, Inferno D. Sebastiano se commendavit, & refrigerium sensit; Neq; etiam parvulus, quem in lactabat, quicquam labis, aut
in.

Febri.

412 Beneficia à D. Sebast. M. collata
incommodi ex corrupto haustu
accepit.

Febriis.

Barbara Pfanzeltin sexaginta ali-
quot annorum vidua Vilsbibur-
gensis diuturnâ tertianâ ad extre-
mum virium defectum redacta vix
ossibus hærebat ; nihilominus vo-
to ad D. Sebastianum edito tantæ
ætatis vetula adeò statim toto cor-
pore emendatam se sensit , ut stu-
pentibus omnibus absque fatiga-
tionis incommodo Vilsbiburgen-
sem supplicationem , quæ ex Op-
pido Eberspergam tunc ducta fuit,
comitari ipsamet , & quidem pe-
des, valuerit.

Tympaniti.

Wolfgangus Penzenauer hospes
Eberspergensis gravi tympanitide
diu exercitus ab uno Patrum no-
strorum verba salutis audiit, edito-
que ad D. Sebastianum voto multo
æquiùs valere cœpit, ut & ipse, &
vicini efficaciam sospitatoris mira-
rentur, ceu manifestam. Cùm
verò mutatâ mente ipse subinde
præ-

præoptaret & mallet ultrò mori, utpote dispositâ jam optimè conscientiâ, quàm longiùs supervivere, cœpit ad votum ipsius morbus recrudescere, ipse cum antiquis doloribus conflictari, & inter acerbissimos cruciatus victrice cum patientia emori, mirantibus universis, quibus mens viri cognita erat, Cælites humanæ voluntatis explendæ tam studiosos inveniri.

Casparus Hartschmid Rettenbancensis gravissimos in dextro femore dolores perpetiebatur, multosque annos varios chirurgos fatigabat, cum hominem non haberet, qui juvaret, ad Cælites conversus D Sebastianum imploravit, & Medicum expertus est.

Pedù dolores

Catharina Reitenfis vidua professa est, se vitam jam abhinc aliquot annis S. Sebastiano in acceptis referre: Etenim ab ebrio marito cum fumante crapula ex popina redeunte stricto ferro appeti-

*Periculum
Confessionis.*

ta,

414 *Beneficia à D. Sebast. M. collata*
ta, D. Sebastiani, quem subito imploraverat, patrocinio plùs quam triginta puncturas declinavit, certissimò confodienda, nisi tam dexterum pugilem habuisset adjutorem.

Fascinum.

Isinæ Conjuges erant, ceterà honestissimi, qui ipso nuptiarum die, fascino, ut videbatur, illigati multis annis sine mutuo affectu, sed magno potiùs odio ac fastidio inter se miserum, molestùmque matrimonium vixerant. Adhibitis subinde sacris Reliquiis & voto ad D. Sebastianum concepto exarsit maritalis amor, paulò pòst etiam secuta proles, quâ hætenus carebant.

Periculum à demone, & malo de sperationis.

Puella quædam ex propinqua Urbe oriunda, libertatis amantior, scelerum desiderio ad hæreticos transfugerat. Ibi in omnem licentiam præcepto sectario cuidam malè consuevit, cohabitavitque. A Boicis autem retracta suis postliminiò resti-

restituta est laribus, ne fidei periculum adiret, quæ plerumque post pudicitiam mulierculis ejusmodi venalis est. At neque domi melior fuit; dum enim nescio cui scortatori ibidem adhæsit, sequentibus noctibus pedibus correpta, lecto extracta, & in pavimento extensa dirissimè multoties vapulavit, vultu ipso sæpe unguibus fœdum in modum exsculpto, ac lacerato. Hanc carnificinam pertæsa impia meretricula in eam cogitationem venit, ut stricto cultro se ipsam feriret, & sceleratam vitam fatali ictu citò absolveret. Aliâ vice in præterfluentem se præcipitem abiicere penès se statuerat, ut scelerum pondus mergeret, semper tamen occultâ quadam vi â nefario proposito repulsa est. Non multò post magis curiositatis, quàm religionis causâ Eberspergam delata, loci sanctitate adeò potenter & salubriter in animo suo icta est, ut mox se D. Sebastiano intimè commendaverit,

acde peccatis antè perpetratis magno horrore concepto ope Sancti meliorem mentem se recepisse ipsamet professã sit.

Maniacus.

Wolfgangus Schmid Buechenfis furiosus effectus tribus integris annis, belluæ instar rabidæ, catenis vinciri debuit, ne in obvios quosque irrumperet. Divo Sebastiano à suis devotus plenè sibi restitutus triennio toto in pace, & malacia supervixit, demum tertianã consumptus, sacris omnibus ritè munitus, & ad ultimum sibi semper præsens tranquillissimè obiit.

Naufragium

Celebre admodùm naufragium est, quod ad Crainburgum Walsenburgenses incurrerunt. Ibat navis multis sanè capitibus onusta, quæ pios peregrinos Oettingam peregrinatum secundo Oeno deveheret. Sed citiùs aliqui horum ad portum Æternitatis, quàm Oettingam appulerunt, ultra triginta quantum constat, de numero illo mersis. In hoc articulo unus Civis

vi.

ab An. M. DC. LX. ad An. LXXXVII. 417

vitam suam, alius verò uxoris suæ
D. Sebastiano se debere affirmavit:
nam cum illa natandi imperita lon-
gam jam sub undis moram traxis-
set, & satis superque bibisset, voto
edito S. Sebastiano à marito com-
mendata caput rursus extulit, &
emerfit. Alia in eodem naufraga-
gio undis diu raptata voto ad S. Se-
bastianum facto natantem Christi
Crucifixi ligneam majoris formæ
imaginem, quæ & ipsa de navi ex-
ciderat, conspicata, disponente Deo,
eam iconem, ceu missam in nau-
fragio tabulam apprehendit, & in
hoc salutis Labaro, ac victrice sca-
pha feliciter enatavit. Liberati ap-
pensâ tabulâ acceptum à D. Seba-
stiano beneficium testati sunt.

Anno M. DC. LXXXII. Joannes
Obermair tabellio Frisingensis gravi
Apostemate intra collum enato la-
boravit, futurumque erat, ut rupto
ulcere introrsum præsertim efflu-
ente suffocaretur, nisi D. Sebastiani
fidei ope fuisset servatus: voto

Apostemate

Dd 2 quip-

quippe ad eum concepto purulenta
spongia aliâ se viâ aperuit, & ne-
glecto periculoso colli itinere sur-
sum per os effluxit, secus, quam
medici ex artis scito divinaverant.

*Loss pecc.
vulp.*

Hoc ipso Anno gravis & vulgata
lues totâ Bavariâ inter pecora ma-
gnâ sanè strage grassabatur. Vo-
lantem cancrum morbum illum
vulgò appellabant. In lingua ani-
malium sedebat malum enatis ibi
pustulis tam atroci & præsentè ve-
neno prægnantibus, ut, si tempore
remedia non adhiberentur, viginti
quatuor horarum spatio robustissi-
mi etiam boves conciderent. In
hoc rerum statu multi sua pecora
D. Sebastiano impensè commen-
dârunt, & ab interitu servârunt.
Ipse Serenissimus & Reverendissi-
mus Albertus Sigismundus Bavariz
Dux, Episcopus Frisingensis & Ra-
tisbonensis post aliquam armenti
sui jacturam magnam aquæ bene-
dictæ copiam per sacrum D. Seba-
stiani Cranium transfundi voluit,
quam

quam deinde reliquo potu mixtam
in stabulis suis adhiberi iussit, me-
dioq; hoc perquam proficuo luem
à pecore suo in tempore repulit.
quo ipso in negotio alij quoque,
quos brevitatis causâ omitto, D.
Sebastiani ope gloriati sunt.

Anno M. DC. LXXXIII. Joaões
Keckmiller bono, ut sibi videbatur,
jure Molendinum Serrarium con-
cinnaverat, atque extruxerat. Inde,
ut fit lites vicinorum enatæ sunt
propter Meum & Tuum, frigidum
illud verbum. Non amabat vir pa-
cis studiosus tantulo impendio rixas
in longum ituras & odium homi-
num. malebat lucello qualicunque
earere, quàm quiete. Ergo D. Seba-
stiano, ceu arbitro Sacrum vover.
& positâ controversiâ pax rediit.

Pater quidam Societatis nostræ
aliunde Eberspergam missus, im-
portuno fanè tempore podagricis
doloribus infestari cœpit. Vovit
cum bona Superiorum venia D. Se-
bastiano Podagræ domitori jejunii-

Dd 3 um

*Odiurn vict-
nerum.*

um in pervigilio Sancti observandum, & dolores omnes, velut accepto imperio, abscesserunt.

Amentia.

Maria Krain Villica Aitershoffensis non procul Straubingâ post tactam fulmine & exustam villam suam, post defunctum maritum, ex terroribus & ærumnis identidem recurrentibus de statu mentis dejecta multo tempore amens fuit. Accessit hydrops medici opinione fatalis, è quo tamen emerfit, uti & è ceteris concatenatis miserijs, posteaquam votum D. Sebastiano nuncupavit. Tabula prodigij testis Straubingâ Eberspergam missa ibidem inter signa pendet.

Pes fractus.

Nobilis & Clarissimus D. Franciscus Ignatius Schön Jurium Doctor, Electoralis Concilij Aulici Advocatus & Toparchiæ Eberspergensis Prætor in itinere suo negotiorum causâ per Sueviam suscepto ex equo jam in casum prono deliciens pedem fregerat. post cujus curationem haud admodum felicem

cem S. Sebastiani Cranium Eberspergæ piè veneratus, post fusas preces, quibus se meliori Chirurgo commendaverat, illicò quoq; meliores vires sensit, ut jam sine adminiculo, quod huc usque non poterat, liber ingredi posset, & extuberans ossis extantis particula in proprium locum recipere se se fuerit deprehensa, nullo deinceps claudicationis vitio, aut incessus difficultate reliquâ. Testem accepti beneficij argenteum pedem postmodum Patrono suo suspendit.

Anno M. DC. LXXXIV. Georgius Ringer Neohusanus sacrum eucharisticum Eberspergæ fieri curavit, quòd filium ex sævissima peste & ipsa memorabili obsidione Viennensi, velut ex Sepulcro ope S. Sebastiani salvum & incolumem receperit gladio & morti superstitem.

Georgius Paur Härtmaringensis ante triennium S. Sebastiano voverat tantum cerei fili, quantum am-

Dd 4 bitus

Pestis.

*Voti dilati
pana.*

bitus ædium suo cingulo & coronâ
 caperet. Cauſa votendi erat duo-
 rum equorum interitus, & reliquo-
 rum periculum. quia verò votum
 ſuum huc uſque exequi neglexe-
 rat, rerum omnium ſupinè per-
 taſus æger animo; & mentis per-
 turbationibus, ceu quibusdam ma-
 nibus exagitatus, nec non capitis
 inſecutâ vertigine, reliquorum ma-
 lorum colophone, vix non in ma-
 niam & desperationem agebatur.
 Senſit, neſcio quo monitore, dilati
 voti acerbum fructum. Voto
 proin executioni mandato, mitiga-
 tam mox notavit malorum ſuorum
 conjurationem; meliora rediére
 fidera, ſpes & quies.

*Periculum
 ab efferatis
 equis.*

Anna Brandmairin Civis Mos-
 burgensis, cùm An. M. DC. LXXV.
 negotij cauſâ in volante apertili
 rheda cum una alterâque itineris
 comite in viam ſe dediffet, equi
 verò ut fit, ex objecto trunco,
 turbatâ phantaſiâ cohorruiſſent,
 ipſi deſertâ orbitâ exleges ruptis
 re-

repagulis in vicinum stagnum pleno impetu delati sunt. Certum periculum ante oculos obversabatur, quod tamen voto providè factò, feliciter evitatum est, cursu ferocium animalium properè inhibito. Tabula rei gestæ postmodum hoc Anno M. DC. LXXXIV. appensa est, quo etiam historiam ponere hoc loco placuit.

Hoc ipso Anno D. Christophorus Wegerle voluntarius tribunus in Legione Montfortiana Biberacensis ortu, Suevus D. Sebastiano, quantum in ipso fuit, se gratum stitit. Operæ pretium est, rei feriem, prout gesta est, hic apponere. Erat is Anno M. DC. LXXXIV. in obfione Budensi IV. Octobris Sagittâ Turcicâ, & insuper glande plumbeâ graviter vulneratus. Decubuit nullâ spe vitæ reliquâ: voto verò ad D. Sebastianum edito omnino convaluit missâ Eberspergam hostili sagittâ, quæ tamen incuriâ illius, cui tradita & commissa fuit.

*Grave vul-
nus à Sagittâ
Turcicâ.*

Dd 5 fuit.

fuit, vel perdita, vel neglecta, certè hinc loci extradita non est, alias certè locum habitura inter præcipuas manubias, & agnatas Divi Martyris Sagittas.

Febris.

Ampfingæ, loco hinc quinque miliaribus distito familia quædam multorum capitum ope D. Sebastiani ardente febrî in tempore liberata est.

Dysenteria.

Anno M. DC. LXXXVI. Michaël Schnabl Hechenlindensis grassante passim dysenteria, quæ multos hinc inde stravit, & extulit, & ipse & uxor illius correpti sunt. facto autem ad D. Sebastianum voto, quod uterque Eberspergæ conscientiam in sacro tribunali ponere & divinæ accumbere mensæ velent, ambo vitam servârunt.

Hoc ipso Anno rusticana Ancilla Anna appellata gravi dolore capitis & pedissequâ mali illius mania certis temporibus efflictim laborabat. Ubi verò ægra hortatu Confessarij ad Divi Indigetis opem confûgit,

ab An. M.DC.LX. ad An. LXXXVII. 425

fūgit, & duos Cereos Divo sub
Missā arsueros promisit, sensit inte-
grè se restituum.

Añ.^o Christi M. DC. LXXXVII. *Supplicatio
Urbi Monachens.*
Eberspergensī Ecclesiæ fuit cum
primis memorabilis ob acceptum
à Monacensibus singularem ho-
norem, qui sub geminis Confra-
ternitatibus sanctæ Crucis Forster-
riedensis, & quæ sub Titulo S. Se-
bastiani Monachij erecta est, con-
gregati ipso pervigilio S. Mariæ
Magdalenz Eberspergam excurre-
runt ductâ frequentissimâ suppli-
catione quatuor millium capitum,
singulari modestiâ, ac Religione.
Erant in comitatu utriusque agmi-
nis non plebs tantum promiscua,
sed primâ etiam Aulæ Capita & or-
namenta, Proceres intimi, Comi-
tes & Barones, Urbis præterea Con-
sules & Senatores. Finis tam nu-
merosæ Supplicationis erat pietate
præcipuus, publico bono intentus,
ut militi nostro prælia Domini in
Hungaria prælianti præclaræ ad-
versus

versus Turcas Victoriæ junctis precibus à Domino Exercituum impetrarentur. id, quod postea felix eventus ostendit, Turcâ ad Mohazium luculenter cæso, quæ victoria toti Ecclesiæ postmodum tam fuit læta & gloriosa, hosti verò adeò deplorata.

Porro nec hoc Anno beneficia D. Sebastiani è Cælo præstita desunt, quæ tabulis consignari curarunt ij, qui acceperunt, præsertim qui ab ardentibus febribus ope D. Sebastiani liberati sunt,

*Dysenteria
cum impo-
sito voto.*

Alius quidam de agro pluribus leucis hinc distans, cum dysenteriam laboraret, famâ D. Sebastiani motus, eundem Sanctum simplici & imperito voto in auxilium advocavit, pollicitus, tot se crucigeros Divo oblaturum, quot nimirum vulnificas sagittas in corpore suo olim Sebastianus ad palum excipisset. Cum verò vir bonus mox sibi restitutus postmodum nesciret, quot re ipsâ spiculis Martyr fuisset

con-

confixus, voti sui interpretem quæ-
sivit hinc inde, nec tamen conti-
nuò invēnit, qui de certo sagitta-
rum numero certi quicquam asse-
reret. Eberspergam cum scrupulo
suo profectus determinatum item
spiculorum numerum sollicitè in-
dagare cupiens, si quid certi ex loci
historia fortè constaret, nummos
bene multos argenteos in parato
habuit, quibus votum & nomen
suum Divo obzratum liberaret.
At ubi à Patre quodam intellexit,
D. Sebastianum paucis contentum
in re incerta quæstum non amare,
nec carò beneficia sua, præsertim
pauperibus, venialia proponere,
acquievit consilio monentis, & ra-
tionabili obsequio sospitatori suo
satisfecit.

Atque hisce Tractatum hunc
claudimus, sat bene, si tibi, *Amice*
Lector, placuerit: aliud enim operæ
nostræ seu pretium, seu præmium
non quærimus, quàm DEI Ter.
Opt,

428 Beneficia à D. Sebast. M. collata &c.
Opt. Max. gloriam, tum honoris
S. Sebastiani propagationem, &
animorum lucrum. Hoc sine scri-
psimus, hoc item calamum poni-
mus & absoluto brevi, ac pio
Opusculo conquiesci-
mus.

Omnia ad majorem DEI
gloriam,



SYL.

R II
J